





泗上閻古古先生著

白奪山全集

豹韋

白奪山人集序

魯仲連以東海布衣不帝虎狼秦



折新垣衍而扼其吭其奇偉傲儻
之氣高視一世而爽所詘獨聊城
一矢奪人之守以下齊於大義稍
不合然其書與燕將者尚傳之至

今嗟呼豈非以其人哉夫人苟高
視一世文章雖詭於義被乎其後
而猶不泯滅况身負奇偉倣儻之
氣而又能卓犖善持論則其詞之
必傳於世也當何如哉始吾遇白
奔山人粗識其崖略或謂是空言

喪事實耳迨徐觀所爲蹈東諸集
然後知山人非空言喪事實者歲
在甲申生民促數耗矣是昔河北
諸路未有所屬而其間雄駿魁簪
自異之士莫不弮弓砥鏃南望
膺願爲國家出死力扞疆圉山人

于是起彭城擊舟南渡慷慨叩幕
府抵掌畫策旦夕提一旅北向收
召豪傑繫諸路人心慕府心才其
言顧唯唯師期幾日山人知策不
果用則又請空名告身數百紙乘
時造往視忠義爲鼓勵俾逋寇叛
帥不得以踰昔渙箴少有睥睨兩
者計俱不行山人旋引去徘徊海
澨而事已大壞不可爲矣顧是時
名延攬者競欲爭致山人以爲隱
然一敵國鴻冥不可弋又倚斲圓
必殺之齟齬數季竟脫於難山人

既鬱鬱不志得遂放浪賦遠遊由
北山川之雄淡古帝王都會之瓌
璋意所薄射擊節悲歌獨恥作
聯城書其詞率軌於大義而山人
亦自謂必傳於後以視魯連直過
之耳抑吾有疑焉連折衝謀後十
五季而始皇稱帝使連果前死則
連易矣連未前死而蹈海以死此
何等事史乃失書吾意其必飛遞
遠引終身海上而卒不聞始皇以
前此之故必欲羅致就被戎索然
則秦法猶寬也山人以爲何如

重允赤奮若之。余月廬山季

弟黃雲師具艸



古逸題辭

昔仲尼之刪詩也。肇自關雎。終於殷武。虞夏以上。無聞焉。蓋世逸文。湮金石剝泐。不足成篇什也。郭茂倩樂府原始。西京古初歌謠。散佚者亦復闕然。馮汝言詩紀。梅禹金古樂苑。追述旁蒐。凡歌謠引誦。暢操箴銘。諺語殘章。隻句悉以古逸詩名之。刻諸本集之前。可謂閱覽博物者矣。余謂古初歌謠。散佚篇什。亦當

時有心人從閒冷中爲其聞見性情且世代復與庖
琴媧笙咸池大章之樂先後傳流是真詩三百之星
宿海也豈得一槩置之因采其有神風教者雜詠之
斷制咨嗟藉題寄賞不徒彷彿其體擬其辭也列之卷
首用資典觀

白奔山人識

白奔山人詩目錄

卷一

古逸

皇娥歌

白帝子答歌

擊壤歌

康衢謠

卿雲歌

黃鶴歌

易水歌

垓下歌

大風歌

八公操

秋風辭

落葉哀蟬曲

白奔山人詩

古逸

皇娥歌

古沛閻爾梅古古氏著

王子年拾遺記曰少昊以金德王母曰皇娥處瑤宮

而夜織或乘木桴而晝游經歷窮桑滄茫之浦時有

神童容貌絕俗稱白帝子即太白之精降乎水際與

皇娥譙戲撫桐峰梓瑟皇娥倚瑟而歌白帝子答之

云云按本辭皇娥六句白帝子七句純是西漢柏梁

體豈當時已有七言詩耶余未之敢信也迺其歌有
樂而不淫之意擬請本集之首仿三百篇之騁雖云
絳霄初曙海光瞳夜色精華銀漢空星辰燦燦繞璇宮織罷
乘桴滄渚東妍姿絕世金天童玉搖雜佩音玲瓏囊山寶瑟
斲桐終山川響應協笙鏞仙嚮花鳥氣融融雙鸞並駕歌春
風

白帝子答歌

崑山靈鷲駕空烟遙集窮桑啄玉田有美一人桴桂船清明

在躬澤媯然芙蓉灼灼九光經桐峰取梓被朱絃並坐鼓之
響瑤川神魚出聽紫蛟旋仙音婉粹吐芳鮮唱予和女歸金

天

擊壤歌

有引

帝王世紀曰帝堯之世天下太和百姓無事有八九

十歲老人擊壤而歌云云按本辭六句古音簡質非

後人所能擬因括其意而咏之

中天之盛虞書載之史臣或諛野老無私如頌父母何有餘

辭歲晚務閒聚族以嬉擊壤而歌有如小兒

二
壤之爲技與劍術通腹豐末銳跳地凌空無翼而飛遠射其
墉雖童少戲實有拙工其詞云何作息嗚嗚其人云何皆八
九旬之老翁嗚呼盛哉是之謂時雍

風土紀云壤以木爲之長三四寸前廣後狹形如屐臑節
童少將戲先側一壤於地遙於三四十步以手中壤擊之
中者爲勝余按此戲近世有之但手中壤與地上壤不同

手中壤形如劍有刃有柄地上壤如棗核中腰着地兩末
尖竅將戲先畫一小城於數十步外而以手中劍刃剝地
上之尖跳空數尺又以手中劍橫揮之使入所畫之城或
過或不及則有罰名曰打臘兒

康衢謠

有引

列子曰堯治天下五十年不知天下治與不治乃微
服遊於康衢聞童謠云云堯喜問誰教女曰聞之大

夫大夫曰古詩也

太平有象驗之羣黎矢口而吟童子何知厥聲載路遂成口碑惟帝念哉猶曰其容重難盡述豈意詩國編卷之四皆言大
二四
粵稽放勳治臻厥極上下相忘各適其適康衢作頌小民之質莫知所從高文典則大章樂作采風拊石

按古辭四句與雅頌皇矣思文詩頗同高簡渾成四言極則也贊之

卿雲歌

有引

尚書大傳云舜將禪禹俊乂百工相和而歌卿雲帝唱之八伯虞之帝乃載歌云云按玉海逸詩本辭三章今總贊其盛分爲二章不敢言擬也

載觀盛世維舜鮮倫孝治格天嘉瑞駢駟竭厥菁華髦倦於勤心傷胄子弗克荷薪授之神器將虐我民爰咨羣后慎擇賢君二十四官燦列星辰僉曰平成司空之勳帝喜曰俞付託得人禹承曆數虞退作賓鳳儀獸舞火藻龍紋韶音格祖考鐘鼗鼗昭示萬國慶此黎元

天不私子帝不私臣神高卑聽玄德升聞和氣蒸祥綴兆氣
氤如懸素壑巧繪穠霧山河草蟲下及魚蠅影望其中不見
組紉非烟非霧百采輪囷聖王在御蔚此華雲八百稱觴懽
奏卿雲

黃鵠歌

有引

魯陶嬰者陶明之女也少寡養孤無疆昆弟紡績爲
產魯人或聞其義將求焉嬰聞之恐不免乃作歌以

明志此亦有國風教者之事故記之

悲夫黃鵠之早寡兮七年獨宿思故雄而不見兮中心蹙蹙
恐爲他雄之所暗窺兮形影躊躇明知死者之不可復生兮
其如初志之不可辱願相從於地下兮聲旣吞而復與荀賢
者之鑒我兮當不罪此抵觸嗚呼哀哉兮慎爾黃鵠

易水歌

風起河干兮萬里塵白雲隔斷兮燕與秦登車不顧兮指咸
陽成功歸來兮報先王

垓下歌

楚歌滿山兮暮風吹天之亡我兮此一時天之亡我兮何足悲
顧虞姬兮將別離離兮離兮將別離

大風歌有引

此漢高帝歸沛土歌也後人原不必擬即擬亦終不
似即似矣亦不能出其範圍但樂府始於漢而漢始
始於帝則此歌猶之四始外之一始也故擬定
大風起兮雲四馳布衣出門兮天子歸斬白蛇兮逝烏離羣

雄發難者盡芟夷歡呼父老兮桑梓輝擊筑酣吟兮忽然悲
何以安劉兮人不知

八公操

紫龍啣物怪如笈兮中藏道書光熠熠兮神仙騎之忽來集
兮重閣嚴扃以然入兮衆視不見獨我揖兮授我靈藥香粒
粒兮造物忌刻當什襲兮一丸千年天無極兮吁嗟乎何修
致此公之力兮

秋風辭

白本山人詩集 卷一 古逸 六

秋風起兮四郊寒雁驚塞北兮不能安睇白雲兮有所思佩
菊蘭兮採江籬簫鼓發兮月在波搖檜楫兮渡汾河駐中流
兮美人歌將夜半兮息羣音煜寶鼎兮撫朱琴露沾林薄兮
光深深洗筆更斟兮祝萬福忽東方之漸高兮漏何促望神
山兮心蹙蹙

落日哀蟬曲

露垂垂兮樹聲花一色兮煙凝坐空簾以無語總幾步而忽
停驚沾袂兮落葉仰在天兮秋星呼有人兮寂然似乍

夢兮乍醒

樂府題辭

漢書禮樂志云武帝定郊祀之禮采詩夜誦以李延
年爲協律都尉多舉司馬相如等數十人造爲詩賦
略論律呂以合八音之調此樂府之所由昉也後世
遞相承襲羣臣奉詔撰辭皆以頌其本朝功德至於
登臨讌射別有鼓吹相和清商等曲亦得列之宮懸
然其辭皆詩也曷以云樂余觀虞帝命夔詩言志歌

永言聲依永律和聲則是詩爲樂始樂爲詩終興於
詩成於樂二者合而爲一固不可偏廢也顧其間有
雅俗之分焉詩主乎辭樂主乎聲辭或出於田野男
女游客戍士之口未必盡雅以聲代之而後雅者雅
俗者亦不覺其俗孔子刪笙詩而存其題正慮其不
雅而避之束皙補亡殆不知此義也卽如漢郊祀十
九章安世房中十六章短簫鐃歌十八曲多有不可
曉者若病婦孤兒廬江小吏等詩舛錯褻俚縉紳先
生難言以誦之郊廟宴饗嘉賓之前可乎故必隱其
辭而以聲代之俾聽者悅其管絃節奏而忘其爲舛
錯褻俚斯稱善耳乃又有謂郊廟詩歌未有祖宗功
德之事余謂古人作樂如今人演傳奇雜劇隨賓主
之命登場侑酒不必拘定某事某人當作某曲故詩
卽樂府而又有不卽是樂府者毫釐千里非好學深

思心知其意者詎可與之微言也哉

白奪山人識

昔之年余與古人亦樂吹今人宛爾其技以別其生

龍身出風無善耳以又亦附派隨音如水許斷宗也

...

...

...

白奪山人詩目錄

卷二

樂府

笙篴引

薤露歌

蒿里曲

善哉行

東門行

枯魚過河泣

出塞

大堤曲

瑯琊王歌

紫駟馬

採蓮曲

折楊柳

玉墀怨

夜度娘

猛虎行

君子行

子夜吳歌

征婦怨

烏夜啼

四時宮怨

四首

巫山高

俠士行

漁父辭

采菱歌

臨高臺

鶉鷓行

江上行

白奪山人詩

樂府

古沛閭爾梅古古氏著

箜篌引

有序

一曰公無渡河崔豹古今註曰箜篌引朝鮮津卒霍

里子高妻麗玉所作也子高晨起刺船有一白首狂

夫披髮提壺亂流而渡其妻隨而止之不及遂墮河

而死於是援箜篌而鼓之作公無渡河之曲聲甚悽

愴曲終亦投河而死子高還以其聲語其妻麗玉麗

玉傷之乃作箜篌而寫其聲名曰箜篌引

公無渡河河不可測披髮中流使我太息

薤露歌 有序

亦曰泰山吟行喪歌崔豹古今註曰薤露蒿里並哀

歌也本出田橫門人橫自殺門人傷之為作悲歌言

人命奄忽如薤上露易晞滅也亦謂人死魂魄歸於

蒿里故有一十章至孝武時李延年乃分二章為二曲

曰薤露送王公貴人蒿里送士大夫庶人使挽柩者歌

之亦呼為輓歌

薤上露晨生澤日光妬之稿無液人身生死歷百年止如薤

露一朝夕

蒿里曲

鬼風紫夜驅人命入蒿里山川與人無愛憎生前不同同一

死

善哉行 有序

此相和歌瑟調三十八曲之一也亦曰日苦短並東

門行皆載王僧虔技錄題繁不能遍擬擬其二以存

其體云耳

秋暮霜來野無生草及天未雨補室宜蚤

一解

山高林叢猛虎當道旁有伏機虎不自保

二解

今日懽樂賓主無憂酒醒事生各自有求

三解

富貴寵人疾病忽至明日今日情景離異

四解

陟彼東海望三神山風嗽濤逃家在其間

五解

日出日人以曙以暝熱豈不寒死豈不生

六解

東門行

出東門路透迤太公終歸來終歸太公何為兒女索衣食不可

得哭且無已時安能坐聽之我生何事不如人人富貴我貧

賤如斯仰天四顧歌聲悲

枯魚過河泣

枯魚初釣時自悔貪香餌哀汝放歸河見餌復如此

大發出塞

夜風吹入幕聽之盡蘆笳星出天影黑枕刀卧秋沙

大堤曲

大堤種垂楊或間桃與桑妾心生嘆息紅綠不可長

提籃採蕨食葉嫩不堪煮且坐關百草都是隣家女

瑯琊王歌

兩襠新繡成襯人顏色好聞君有他心顏色忽如草

二

錦馬懸寶刀解下垂柳陰不遇可殺人不動殺人心

三

美女立橋欄公子舖氈卧鳴箏感行人遲遲不能過

四

紫騮馬騎馬走險路雙眼看路旁恐有負心人捉刀慎提防

五

酒樓逢壯士聚飲如平生止此千里馬贈君我步行

六

採蓮曲
移槩花深處新葉壓殘葉妾粧不如蓮蓮心不如妾

倩郎整雙釵採蓮墜一枝釵墜何足惜恐使郎心疑

短笛變新聲下馬折楊柳縮笛贈所歡謂曾經儂手

明月照空牀獨坐淚如絲同伴莫相嘲當亦有淚時

休苦人去遠夢裏豈非人短夜何無情醒來餘一身

夜度娘

漏永燈光微有聲自屋梁今夕復何夕山鼠催嫁粧

猛虎行

智虎能分別噬人亦護人威嚴立山岡保此衆狸狎愚虎唯
自飽顛倒卧荆棘不顧山中物乃爲狒狒吞兼之媚獸多生
殺恣笑羣智虎豈不殺天刑有踈親

君子行

美玉先自愛遂爲衆所珍即使終在璞不聞耻玉貧梁肉雖

豈好豈敢餉鳳麟嗟嗟桐江叟天子不得臣拾金汗生平樂
羊媿婦人

子夜吳歌 有序

亦日子夜四時歌子夜晉女子名也與白紵同一曲
在吳爲白紵在晉爲子夜故梁武本白紵爲子夜四

時歌後之擬此歌者曰白紵則一曲日子夜則四曲

皆屬清商

今年春不寒花開亦太早郎說明口來落紅且莫掃

新荷隔南池紅白照亭欄不敢臨風倚人熱妾心寒

夜樹壓庭簷看月不分明坐深待月移處處是秋聲

掃雪試新茶俱食接玉盞夜來醉郎前今日救東晚

征婦怨

玉關遠不遠但隔西山樹此間原非妾妾心在郎處

近日夜偏長惱人天不明結想在好音忽聞喜鵲聲

烏夜啼

有序

宋元嘉中徙彭城王義康於豫章郡時臨川王義慶
為江州相見而哭文帝怒召義慶還宅義慶大懼妓
妾聞烏夜啼叩齋關云明日當有赦至及旦改兗州
刺史因作此歌後人誤以為征婦出塞等曲則謬矣
烏夜啼啼不止從來烏啼不如星黑牕未明心驚披衣起

郎歸倘在今夜裏

右與子夜歌莫愁樂襄陽樂前溪石城王昭君等曲皆清

商三調三調者平調清調瑟調也亦曰清樂乃周房中樂
之遺聲漢魏相繼至晉不絕永嘉之亂中朝舊曲散落而
清商猶傳江左所謂梁宋新聲元魏孝文之所收纂是也
隋文帝篤好清樂以為華夏正聲故平陳之後置清商府
若巴渝白紵皆在焉至唐武后時猶存六十三曲

四時宮怨

四首

禁苑垂楊綠花飛一半殘東風吹蛺蝶猶自惜春寒春

翠絡龍皮扇水盤羊髓瓜小璫傳內讌風裏做琵琶夏

玉堦鳴落葉葉上帶新霜微步青桐閣宮鞞獨自涼秋

獸炭籠深闌冰廊不起塵挑燈孤枕畔長漏寂無人冬

巫山高

妾家湘水岸日日弄湘波來去逐春雲君王夢奈何

二

巫山一拳石何事惱相思夢自君王生雲行那得知

三

東風牽蕩子處處巫山神醒來看山色不是夢中人

俠士行

丈夫感意氣不在贈黃金顏色稍輕薄千金猶痛心

二

豪華非所難所難獨知已不爲五侯生其爲布衣死

漁父辭

一水涵千峰水平峰影微漁家坐孤村遙望天四圍白日見
鷗鷺夜見熒火飛熒火飛來燒人衣問君白日何所歸峒山
居者笑行者我自騎船君騎馬騎馬長途倦殺人何如采得
西風蘋

采菱歌

薏苡香肥黃菊瘦羅衣不耐西風溜大家小家歌采蓮鷄頭
葉紫實如錢今年花比去年少蓮子空比去年小百畝荒荒
租稅急官吏催征夜不息刈草鋤瓜賣幾何蓮子不如蒲笋
多先賣活魚後賣菱茆房破碎草青青未到冬時霜已冽田
夫嗷嗷室如雪大河兩岸垂柳殘淇園之竹血成灘兒女衣
食仰空秋白雲蕭索雁聲愁我行其野嘆如此荒阡枯骨誰
家子

臨高臺

絳雲緗靄野光簇垂楊白榆間青綠耕夫挽牛鞭不快燕子

泥巢翅羽禿今年二月又逢閏云何風色慘蕭蕭故鄉親友
相見無一語但言徭役逼人徧地哭我適來掃松間墓蕭條
四望煙無數官租如火米價賤貧者無米催科現麥田未知
收何如子女賣盡糧仍欠臨高臺兮望秋水深宵野火飛燐
鬼

鵜鷖行

鵜鷖立江干江魚不敢下一時風雨冥雷電如奔馬有鷺謂
鵜云橫哉何謂者江外是青山江渚是青萍欲借青山砥青

萍青萍鋒吼青山驚欲借青萍斬鵜鷖劍破山飛江水枯一
樽携得樊川上千峰萬峰皆對向鴛鴦睡午鷄青啼漁父無
魚兒女饑不如棄却此風波把斧去樵前山阿山阿之下見
黃河且宿光茫射蛟鼉內有仙人住丹宮六月天氣披春風
長江萬里月明空一片花香酒盃中

江上行

漁火隔江青飛飛雜濕螢雨後飛不疾滯在江之汀汀上賓
船睡如蠅瞿塘之瀨響冷冷風細天高月正橫此時安得有

人行有人行無人聲芭蕉葉上露光碧隔籬映之如江屏休
矣莫使魚龍驚

黃河且宿水帶涼秋風內首無人於
黃河且宿水帶涼秋風內首無人於

黃河且宿水帶涼秋風內首無人於
黃河且宿水帶涼秋風內首無人於

黃河且宿水帶涼秋風內首無人於
黃河且宿水帶涼秋風內首無人於

白奪山人詩目錄 卷三

五言古 書文入氣

古道 詩

雲漢

懷古 八首

送錢礎日游山東山公

田家四時詠

贈張冲玄

贈張先誠

秋夜贈蔡際飛

看花南閣同葉澗山分賦

游夏邑李氏園

南遷

過圮橋

海上書友人扇

劉伶墓在華嚴庵後院詩以讖之

書扇祝張端甫

游揚州梅花嶺

寄唁潘殿虎

西湖遇張五高年丈

別西湖

歸安道中咏桑

嘆桑

從支硎過中峯觀趙凡夫臨帖草堂

別朱雲子於佛惠庵

知季弟入庠

金山忽遇張廷繡

馬陵山步月

次下邳湖中賦湖棹難

題畫

飛來峯

鴻雁行別莊尚之

遇宋建之自廣州來言大庾古松

流寇

古帖

題崑山之玉峯

樊湖曲

立春贈國鑿夏仲文一首時在丘受宜酒肆與張抱珍

王茂之王子厚鄭天序江徵呂同飲

贈柏園守拙道人

王英之王子鳳鳴天賦五經

王英之王子鳳鳴天賦五經

王英之王子鳳鳴天賦五經

王英之王子鳳鳴天賦五經

王英之王子鳳鳴天賦五經

王英之王子鳳鳴天賦五經

王英之王子鳳鳴天賦五經

王英之王子鳳鳴天賦五經

白奔山人詩

王言古

一經大小各難辨與都為無妄古沛閣爾梅古古氏著

黃四 古道里何處去陳宗孫張東到古沛閣爾梅古古氏著

古道亦已淪高山誰可仰隱谷奏猗蘭鼓琴絃不響嗟哉窮

途人獨步安所往東游之采峰西游承露掌秦漢多仙跡珠

宮變榛莽何水不東流何花不春長試寫岫嶠文風雨集英

爽 草草天孫古宮中仙人天孫第四劫青嶽雲山

雲漢 雲漢空氣星餘以燄不照露谷開幽壑生雲漢

白奔山人詩集 卷三 五言古

雲漢浮碧空，庶星紛以燿。下照巖谷間，幽棲生夜彩。絕世大文章，經天終古在。如彼光潔人，英華被四海。青松喜住山，鳴禽喜噪田。物情適其適，不猜得自然。放勳獨憂勞，巢許并高眠。百年歸于盡，誰知隱者賢。

古意懷古

八首

黃河來萬里，滄海去朝宗。經過泉溪處，諸水俱率從。清濁非一路，大小各雌雄。與時爲盛衰，怒喜看天風。行人不敢渡，舟子歌艤臙。沙渚聞笑言，烟雨垂釣翁。神禹知有命，蜿蜒視蛟龍。

龍

宋歌二

垂髻受詩書，先人有嘉誨。風雨能幾時，百年如迅邁。少壯狎光陰，老至將何賴。知勇無所得，狂瞽咨瞽。欵往非不自知，盛名日以敗。旣敗始追傷，英華安可再。

三

人生無不朽，適意卽千秋。平津脫粟飯，貽笑五陵儔。佳麗吹明月，琴瑟響青樓。美酒種類多，遍嘗交錯儔。蒲萄斟玻黎，醢

舞歌伊州春風逐衣香花光照筵篔簹曉來顧寶鏡云何已白頭

四

垓下楚歌散關中漢業成高帝憂楚將季布特聲名念彼相
窘時何有瞻顧情此是真男兒非徒以勇稱詔書嚴物色江
湖敢留客狀貌不平常苟生安可得周氏心知之賣之魯朱
家頰首就髡鉗沉埋廣柳車朱家心知之急爲滕公言走北
兼走南將母驅此賢滕公心知之言之漢天子天子心知之
田奴竟不死感嘆疇昔人憐才深至此

五

灼灼東園花忌彼春風窺春風花所眷一夜卽歲蕤風感花
無情花落不自知美人處盛年幽意與春私私春春忽去走
向花前悲若溪多好女顏色讓西施西施故善懷吳宮愁鬢
絲急買朱桂舫泛泛五湖湄常使吳宮兒想見初來時

六

梁氏方蹶虓威焰肆勾勾質桓絕續間天子如蟻蠓太尉獨

漢讓此聲名國服爲素王旬日月滿宮牆羣疑毋相詢
其淵進錢礎日潯山東交太師錄水益崇是輒請當長
南方有翠鳥繡羽炫瑤林不借衆禽飛翻爲鶉所侵日出
羅爵日暮返江岑塵翳珊瑚佩缶撞鐘呂音轅驥遇孫陽尺
骨懸千金時錢生爲相鄉相國所禮

田家四時詠

先民重稼穡春王省南畝田夫職在田望歲勤歲首耕犢
冬間漚漚驕欲吼于耜既夙戒吉日觀維耦犁深耨復响播

種擇前後時與地兼宜風雨懷節候老農不可欺熟察東菑
人心計通暑寒每試十得九及茲解凍初躬親率左右規土
知螟螣選苗刈稂莠恒言貧賤人勿逐福人走倘愆芟秌期
行將困八口蚤作待秋成多寡庶無苟

百穀有倫次維夏屬麥秋中原稀稻禾維麥屬嘉疇四月吐
香茫葳蕤若錦旒綠葉承金穎搖曳卷平丘風吹穀紋滿穗
齊烟修修踈密影芊綿勢廣高下周扶犁察生氣色同冒沭

溝五月粒始堅村村結圓學鎌鋤腕舒鋒不留畏炎
紛戴笠襖汗湧流饁者携筐筥擇陰垂楊陬遙呼辛勤士
渴矣聊暫休天旣愛農夫兼爲寡婦謀寡婦拾遺秉行列逐
偃僂莫惜偃僂苦坐貽歲暮憂桑老蠶務畢椹閒綴樹稠兔
葵嫩可烹園花放朱榴日出勞我人星出勞我牛輿歸取其
實紀數以薪籌享茲分內物濁醪堪自酬
清旭步南陌夕陽越東渚種田略晚鋤佳草遂參伍大火西
始流微金不勝暑暑酷旱乘之數日乾云
蟻沾柱礎霖霖兼雷霆風急寒烟舞萬樹齊悲號溜簷鳴戰
鼓千山一茫茫原隰無結土旣滋我高粱亦芳我稷黍豆葉
銜露明凌晨猶弄潯新泉渙渙來衝泥帶瓜圃牧兒具綠篔
老翁持杖拄歌喞井園旁歡如病初愈稍晴輒深耕良苗可
株數勿使稂莠盛盛衰失賓主施功倘懶遲是我獨未雨苗
疏莢且華隴上如青組百穀次第登雞豚醑田祖王稅輸已
完婚喪咸得所每村有醉人田居更誰侮

四

秋露將歸老朔雲流遠山一望禾稻盡蒼樹澹踈烟呼兒好
飯牛預耕明歲田呼婦釀新酒酒熟桑落前十月寒煥勻酒
味芳且堅北隣老農友冬來如我閒對酌談陰晴莫非稼穡
言不解說時事農夫無事權魚塘猶未凍投網可烹鮮緩步
邀親朋釀社竹籬間籬間菊數種略霜不甚殘蒹葭凋旣盡
池外百餘竿仰視南飛鴻渡江避寒寒鳥知避寒去人乃出
闌刪奈何讓微羽智計居人先束茅乘屋上一一補其穿風
嚴不入壁雪深不入綿烘火閉柴門妻拏共醉然時復出門
眺素光被川原鳴禽集枯枝饑兔窺敗園獵者牽犬過三五
隔林端彼未束茅者安得高枕眠不思勤惰故猥云各有天
知足天所敬服勞天所憐朱顏能幾時白髮已升巔現在宜
受享奈何惜金錢幾曾見金錢隨人用下泉吾自養吾生行
樂及豐年

贈張冲玄

崎嶇不是山湖泮不是水如何此屋中山水千萬里乃知宗

少文卧游得爾爾先生七十年光顏如穉子約我至其堂所
蓄皆經史譚言多微中相長無窮止瑤花近元宵春湖發青
盡

贈張先誠

山川不媚人光華使人媚隱然草木霜入春生文字百里影
平蕪東風吹所至既至荒無田樓臺鹿角似其中有故人鞭
驢談意氣所以至君家倏忽成再歲醉飽不足言相期有成
事云何雁聲高飛飛無一寄今日下前榻前日都非是我欲

爲君籌當思有所濟必使萬里游不貽居停愧
小詩秋夜贈蔡際飛

蘭膏圍素屏夜靜芸香窈團坐悉窮交媿媿談舊好憶在淮
東時颶風淪三島藩兵溺海舫摧殘如霜草剩予掉孤舟四
望烟波漾破浪走清河豺虎蟠津要平時汎交游臨急星散
了何期逢故人痛哭傷懷抱雙鶴舞空階聞音喚秋曉故人
膽智兼狎敵輕鷗鳥與廢任龍蛇浮杯且狂嘯不避禍與嫌
青天銀漢皎爲我束歸裝一鞭馬陵道倏忽三十年追思魂

夢繞相感安可忘嗟乎竟衰老

看花南閣同葉潤山分賦

諱廷秀漢州人時以廷杖謫居

村落盡平蕪蕪盡稀耕土舊時樓閣旁煨燼不堪數寒食後
三日發興尋花圃花開已春殘楊柳雜蘅莊所遇皆故人酒
令相參伍日夕未歸來黃鵬音楚楚

二

小塢羣花繞中間構樓閣登高開牕牖春衣東風薄土堅可
爲城棘墻可爲郭時有讀書聲依稀雲外落世亂兵火稠文
章行消索不知經世務科名如委蕓旣爲任事臣安敢卸牛
絡浩嘆勿復言卮酒任噴噉

游夏邑李氏園

草積無耕土燐烟燼樓閣廢垣戶不關遺村宿瓦鏤西風河
水飛斷岸泥蕪薄馬蹄踈樹中珊珊韻霜蕓萑苻覆梁徐城
空絕鼠雀守牧罔恤矜吏胥勤剝口漸漸歲年深源竭流易
涸此中有故人寤言悲契濶日氣夕增寒荒籬墜菊萼步入
假山殘松桂香寂寞晚雲棲石櫺枯池榛棘錯小飲藤蘿間

放歌酬龔

南遷

去去安適歸携家於野行小兒不耐抱奮臂呼前征十步仆
道旁呱呱頽我鳴山徑逼且曲丸石匿榛荆病婦乘疲寒暑
炎塵火蒸村落乏飯肆林陰遠不迎僕夫饑以倦招招起輒
停俱言寧居久艱難自未經漸出高峰外黃河水影明蕭條
盡日奔無一雞犬聲

過圮橋 邳州城外

授書人已去尙有圮橋橫登橋憑弔久慨然太息增當其書
未授破產苦經營東謁滄海君術踈任俠輕祖龍威方震岌
岌漏姓名一死不足惜何以立韓成丈夫忠所事警諸女子
貞霜天百卉枯松柏勿凋零相韓旣五世百計爲韓爭下邳
藏匿人智勇俱無憑鬼神鑒幽懷啟佑遇穀城赤帝解陰符
知己感怍怍報韓復報漢巍然祀漢廷

海上書友人扇

周道多荆莽我馬蹶以痛棄馬升漁舫汎汎東海隅深雲隔

山峰蒼然一島孤中有古羽僊絕衆登巔跌雷雨夜流光
几走龍魚石丸煮可煨芝草綴玄鬚我欲往從之踏空亂濤
虛躊躇無退步言歸故山廬築室蓮渚間借讀古人書讀書
何所益聊以消居諸坐觀世變生夢覺靜蘧蘧

劉伶墓在華嚴庵後院詩以懺之

遠公結廬社愛招嗜酒人既招不設酒空池白蓮新攢眉獨
歸去發醅漉葛巾彼自有醉醒非關酒爲因從來大解悟應
屬禪後身我尋開士院午課鐘鼓陳胡爲寢園內築塔供伯
倫豈其捐風好飲中悔貪墮昔作竹林友今與戒者隣千載
無上下曠然一念真荷插將安往邈如隔世塵朝夕聽華嚴
舞卧出迷津

書扇祝張端甫

諱我襄山陽人

君長予一歲今年四十一懷酒陟中堂再獻祝康吉好友無
媚詞所言殊真率父書讀未售楮蟲斷殘帙家貧值饑饉拙
哉治生術海外三神山紫嵐天半霧願言往從之風濤復相
失子晉留鉢池傳疑不可必何如把綠樽親朋誓促膝齒已

踰強仕顛毛霜滿櫛及茲二月初花開亦苗東皇吹氣暖
明牕試新筆雞猪與魚蒜春盤薦香飯塵事推戶外澹然消
永日卽此是金丹長美無甲乙

游揚州梅花嶺

丹馬相兼行雪消路微濕老姬慎鎖鑰選擇遊人入遊人春
夏來花開隨意拾寒色衆所棄笙歌不復及落葉積逕荒雀
糞滿亭集梅墅如隱士靜深有階級池魚非其時潛歸水下
蟄嗟彼鴉亂鳴自謂巢已葺安寢在高林乃爲小兒執村郭
經霜後晚晴風習習萬樹夕陽中參差烟外立

寄唁潘殿虎

諱桓華亭人

三年別都門道路阻且長雲間有夢去秋夜鱸魚香胡爲逝
哲人空山墜繁霜安仁今已矣誰其語文章豈獨文章事道
義不可忘願言驅白馬未行泣徬徨知君有令子能使君不
亡北海逢虎賁如獲蔡中郎惜我無寶劔持以掛墓旁悲風
嘯林木千里水蒼茫

西湖遇張五高年丈

諱福臻江陰人

孤趣偏有敵君來爭耳目寄托殊高簡聊與山水屬狂踪發
衆疑時歌復時哭我故與君同君迺與我獨痛飲蘇公堤古
人可仲叔

別西湖

一月西湖上與湖半離卽聞見不異人領略有得失景爲特
所移山水共厥秩烟雲相吐含精華從此出欣賞兼亦取亦
兼虛與實靜觀得物情悠然變文質嘆我歸棹發夜風寒瑟
瑟

歸安道中咏桑

岸僻多截港隱村謝人徑所以草木榮叢然全其性虬根歆
虛崖半墜迺繁盛感茲潤土培風雨協時令杼軸聲未交綺
羅香已靜少婦與少女往來互相偵音去恐懼桑有災蠶亦與
之病一日未成絲一日憂靡定絲成貢天子室家獲餘慶

嘆桑

我來桑正採我歸蠶已老蠶老不念桑其下生周道餘葉聽
鳥食畦陰蓄衆草只此愛惜心初終弗克保嗟爾用桑人棄

擲何太早

從支硎過中峰觀趙凡夫臨帖草堂

六月初七日有記
時同單臣素

當世無解人微言誰與析握麈遁公堂花間鸚鵡寂初雨峰
肌妍隔林起僧笛高下樹如屏紋理層相績圓沙逐新泉墜
崖聲互擊靜視傲爲畫墨活烟可摘西山鐘鼓遙月明上松
壁

別朱雲子於佛惠庵

諱隗長洲人

山空雨初歇濕光留山樹踈風自來庭亂響滴松露勿念隔
溪人乘屐往尋之深閣洗蘭花琴聲未絕時飲我以新酒發
言憤且悲文章天下妬入宮苦蛾眉美璞君自秘終當無愆
期芳華照千秋天下妬者誰

知季弟入庠

吾兄弟三人朝夕侍庭下老父授以詩命歌常棣雅仲弟謝
人事遯居田之野季弟抱慧殊萬言方倚馬年來病相尋筆
墨隔世事家貧拙治生師友半廢墜上書不見報遂憂賤文
字感憤篝燈前中宵嘆以喟去秋余南來別爾淮陰道觀其

容情然温言相慰勞南來今隔年童子持書到江湖風雨逢
正苦無消息骨肉寄好音狂喜動顏色不足爲爾嘉嘉爾將
千里譬之三神山飛渡從茲始黽勉勿怠荒克終集大美鳴
鳩戒征邁實維我與爾旣無忝所生兼以獻 天子

金山忽遇張廷繡

諱牙沛人

爲客江南久不知家人事前夕家書來封有平安字備問家
中人親踈有層次朋友唯君獨君且走燕冀余歸渡山前駭
聞君先至初以僧言失疑信如夢寤疾走入僧樓旣見曰是
是君亦驚余來大呼謂何自坐觀君顏色已知不得意余不
爲嘆息但喜此相值好友逢天涯江峰皆變異功名各努力
難謀亦難避且停北去舟與君山頭醉

馬陵山步月

寒務封野白風堅暗霜射黃河枯不奔停泥清吐瀉天遠與
岸平魚火或高下日裏諸山痕忽隨晚烟嫁舟隣盡商賈相
熟談物價携貲湖海間敬慎守長夜念我吳越歸載易冬且
夏異國有奇書所求非圖稼讀之月明前唱嘆使人訝素練

浦蓬牕江魚薦犀牟

次下邳湖中賦湖棹難

水落灘影雜泥草無暖日烟霧隔漁村萬里北風疾孤舟不

見隣葦葭聲浪深疑有深機人傲然霜夜出君子敬遠道患

難以貞吉山川多伏險窮變安可必敵國飲食中願無忘紀

律

題書

遠山積午雪雲深不見樹稀微流水痕野村藏曲路雨忽自

西來宿影隨風去天濶海聲寂耳目無停處昨夜月明色今

夕挽不住

飛來峰 杭州

古貌非頑石玲瓏屬自然草木不雜生華實經雨鮮月下琴

聲出有人學神僊風起山花落紛紛滿澗泉

鴻雁行別莊尚之 時尚之留德州也

鴻雁南北翔實維孤雁哀其飛既淒淒而止亦徘徊羽毛愛

高潔恥與衆鳥偕春暮感爾歸塞下多風霾故巢葺未完八

月秋復來矯矯咲雲中結侶寧敢乖道逢白露友素質照九
垓唱和無異同敬慎德不同時維夏初晨滿洲芰荷開共殮
雨後萍菁菁如新措物各有所志相別河之涯相別勿相顧
振翮凌崔嵬東至扶桑島西訪崑崙臺靜觀得氣候招爾鳴
喈喈

遇宋建之自廣州來言大庾古松

庾嶺隔萬里昔稱梅花叢客自東粵來爲我談幽蹤種梅曾
有人人歸花遂空獨存古石壁盤鬱千歲松厥高十丈餘生
動若翔龍倒覆幹垂地翠如新雨濛鱗甲旣堅巉四時鳴秋
風行旅歌蔽芾山川借威容秦皇遊不到矯然不受封嗟哉
君子卉安得一扶筇

流寇

流寇發大難兆自晉與秦漸次走襄蜀爰及潁水濱虔劉橫
已極所至血爲津嗟嗟爾何忍寧獨非良民揆厥所由來大
半皆苦貧兼之催科猛飲恨莫能伸處處悲苛政呼應遂如
神朝廷初輕視守土影響陳迨其亂孔棘方始達帝宸彼亦

懼罪重誰其爲死人勢又難中止恣睢不復悛安得草澤間
忽出請纓臣天子委任專洗茲萬里塵更察循良吏往施撫
字仁幸哉此黍苗賡歌陰雨新

古帖

古人書論法功罪各自知當得古人意變化隨所宜爲生在
寫神何苦工眉髭眉髭無生氣肉存亦死屍黃河鼓天風瀾
迴如繭絲剪衣不成章美錦夜含悲金和而玉節安得合與
離曲終雅韻長將歇未歇時

題崑山之玉峰

游屐空海內萬里考名山雲谿每枯硬峰岫多巉寒維茲一
拳石遙見菁葱鬢松檜綠勻勻五色繡其巔鬼斧難雕琢嵌
空納紫嵐曲罅啣藤根怪獸蹲立尖東望滄洲島浮來咫尺
間紅樓映畫橋絲竹繞青帘不難在鹿城難在不癡頑

樊湖曲

山翁住湖曲漁翁住山曲湖水多於山湖光繞山麓波息風
不停蒼蒼烟雨宿殘荷綴枯萍纏綿如裊褥本是神仙宅翻

爲翬網窟半夜星辰飛眠鷗驚鷓鷯遠燈高下聯猛虎瞪雙
日

二
芡實非蓮實物各寶其房浴水呈鮮碧風吹處處香佳人櫂
蘭舟采葉剪衣裳蓮葉躍明珠芡葉朶鍼芒野老編竹籬花
隙種麻桑麻桑苦價廉寧堪供稅糧因悲處士難轉爲昔賢
傷桃源豈無路恨不獲漁郎

立春贈國鑿夏仲文一首時在丘受宣酒肆與張抱珍

王茂之王子厚鄭天序江徵呂同飲

野田水未鎔零露垂簷際寒宵秉瓦燈烟光不成寐史經隨
手翻眼鏡穿蠅字倦起步階前滿天星奕奕四顧影茫然兒
童皆熟睡曉來聞村叟立春明日是策蹇過城南看伊春何
似板破飛雲橋踏之心悸悸東街訪故人煎茗藥欄次故人
豫章客遭亂家綠棄雜學博無窮隨方作遊戲百卉染瓊瑤
善製
花
草
岐黃臻三昧琴書破浪來借我茅牕寄長嘯更悲歌聽
者悉含淚時衰心未衰妻孥共埋瘞閒扃筆墨華金碧烟嵐

異目空少推許相憐獨吾輩倏爾江海聲臘月南風吹汝家
世澤深難道君身墜搖首且呼杯非醒亦非醉流寓廿七年
今將八十歲吳客有青帘招尋談往事往事那可談爲君聊
作記

贈柏園守拙道人

園在太原府城北

海內無多路行游千萬折浪傳五嶽名數拳小凹凸星辰何
勞勞昏且循舊轍川原自消長其如人壽歇旣不能長視安
知生與滅帝王及聖賢虛空現塵蟻盛衰會有時輒自稱雄
傑泥土煩弓刀經史汚筆舌霜落野卉殫草火飛鱗血智者
心笑之夷然去不屑我陟太行巔漳汾風凜冽柏園老羽士
布袍鶉百結趺坐一蒲團靜寂忘歲月問所得何物答云號
守拙登樓望岫圍寒烟幕紅葉碁枰案上閒主賓爭打劫神
仙莫妄求卽此傳丹訣嗤哉名利兒腐鼠鬪腥穴

白奪山人詩目錄

卷四

七言古

秋園詩

四首

月青歌

苦蝗行

楚姬行

醉後贈羅商兩山人

月夜歸至耿莊

送李武曾之貴陽

題錢礎日十峯草堂

出都門往游西山

別都門

次臨清程際飛張雲漢喻子卓招飲戲贈女郎傅大

放船見墮河者

分水龍王廟

毘陵遇徐九一太史賦相逢行

劉同人北赴秋闈遇于虎丘月下詩以送之

黃華山觀戲

楞麻子小說行

題李武曾鴛湖秋錦堂

月夜西莊泛舟過華嚴寺舊居

漁翁醉

牧童曲

遇夜吟

溪土吟

問接花者

答

卽事書友人扇
蘇華菊老舊景

爲梁伏村醉後書
隱堂

贈張冲立

贈張先誠

採桑曲

晤易曦侯

別文初

別瑞初

鉅野行爲畢開之畢位二作

虎丘遇陳聯芳

桃花城秋夜贈方爾止處士

題方爾止四壬子圖

太原贈周計百

見山堂歌

玉峯獵士四士十圖

歌臺猛士行

秋夜塔兒頭即事

游平山堂

虞山寒食行

漳南行

白奔山人詩

七言古

古沛閻爾梅古古氏著

木犀秋園詩

明月穿高樹樹高月影疎樹與月成文照此蕉牕書蕉牕書
亂堆幾許蘼露星針紛鳳羽靜坐伊唵對古人掀髯一笑集
風雨步到園北天初晴槐下兒童吹蘆笙

尺蠖二

燈下花光多靈異看花燈下影疑似美人素妝倚欄干羅衣

澹映肉紅地蟋蟀秋蛩吟水灣夜深睡穩響綿蠻愁人酒醒
月西沉微風氣悄竹簾侵窅然如在萬山陰

前夕極炎今忽冷颯然一葉落金井蛸蟀沈沈花下吟小院
踈桐雜星影秫酒初濃菱芰鮮兒童兩兩弄三絃秋海棠爭
木犀妍八月將半月明鮮高歌莫待輪光圓

四

江山人人見人未見江山誰知千萬里一日能往還昔者盛
春雨草木積如烟何嘗問姓名去來秋水天策蹇破荒塗恐
爲人所先相隨廣柳車馳馳白雲巔黃河以曲長曲曲投滄
江蛟龍渡砥柱吹波觸天狼流火燦茅屋初曉卽搏桑六月
飛寒雪震雷屬臘月騏驎捕碩鼠山精食薇蕨彼我生異同
蒼年悲白髮欲知白髮何處住青山自留白雲去

月青歌

月明青青松影黑蕉葉桐葉爭顏色蟲聲唧啾四處來逐聲
求之全不得主人不是逐聲人千金一夕早晨貧貧雖貧分

一杯酒爾之千金我一口維君之酒我之詩此外無可云相
思牕南梧桐牕北葵何如海棠影輝輝千將初礪未曾試鉛
刀縱快何所至感君意氣爲君愁牡丹春好不好秋秋雨秋
雲秋月皎盡醉西風莫潦倒

苦蝗行

結蘇十里城東隅老農老圃共晨夕經年跡不到城中踈懶
相宜以成癖枯旱塵絲掛野田豆花憔悴無光液乍聞有物
空中鳴蝗飛如蟻經天赤翅聲剝啄墜紛紛縱橫百里積盈
尺婦子嗷嗷爭不及千村萬村淨如碧三時勞苦殊可憐飽
茲螟螣誰愛惜官吏追呼急于焚中夜思之若芒刺嗟我人
斯安所逃追呼不償死無益君不見古人苑中自吞蝗此民
之災我躬嘗又不見宓令卓子康蝗不入境號循良非其人
今民何臧我行其野歌旁皇

楚姬行

有序

癸酉之秋客淮陰遇楚姬夏麗貞于友人牛肖亭之
水閣拈花分韻言無不解願者乃知姬非風塵子遂

訂盟別去後半載姬以手書及見懷詩來寄然書中
竟不言來自何所余裁荅之恐未有定處遂中止又
月餘接淮友札云云則姬之消息殆不可復得矣戊
寅春暮過臺莊遇蔣木生無意中談及姬事則木生
爲姬作押衙今已有所屬也余卽席率賦時三月二
十五夜木生名政芝宿遷人

春流東走無停處花開三月簇不住我自問花入山中主人
載酒移別墅座間有客廣陵來言愁縷縷紛如絮所言題余
昔年遊淮南楓落醉深秋彼美人兮水之隅竹閣垂簾夜讀
書顏色絕世而獨立顧盼自憐掩鏡泣才爲衆妬身無屬苦
草依牆着雨綠細說行藏怨未平余亦和之楚歌聲蒹葭圍
橋菊滿籬夜深蟲語助人悲曉露零零歸步寒五更木葉響
闌珊忽爾清霜吹白鴈橫堵踈影梅花綻布飄旣掛各一方
夢魂千里人隔面舊題紙扇殊可惜出入懷袖共朝夕登高
悵望遮浮雲欲去欲留江天碧前歲贈我薛濤牋牋上手書
跡宛然緘封將破有私記來遲不審何時寄述舊寥寥但數

言恨多繞作千餘字含吐再三句重迭讀到傷心堪痛絕茲
後消息不相聞何期意外更逢君事中情與情中事曲盡形
容忘避忌燭光冷照烟微明潯陽月夜琵琶行

醉後贈羅商雨山人

洞庭山下羅商雨遨遊泗上五年許逢人沽酒不惜錢落落
客途能作主有酒到處皆爲家飲來不復計寒暑兼博物性
善烹鮮買得奇珍手自煮六十餘歲江湖間顛毛種種禿可
數生平未肯減否人疑是阮公之後身凡所與交必名士羞
將肝膽託風塵余以村居入城少閉戶窮經蓬未掃偶然乘
輿策蹇來如彼子猷訪安道火熟酒清月漸移空堦離亂花
陰倒天高露濕星斗寒圖書滿壁光綠繞聞君明日過東山
山泉新水正潺湲歸歸何以爲余贈杖頭無數烟雲間我作
此詩醉已深若浮滄海奏鳴琴古人解佩貽良友不及開樽
詩一首只愁醒醉不同時來朝還似今朝否

月夜歸至耿莊

明月滿地如水白霜草濕濕生光澤野村犬吠鄉人疑籬內

大言遙相嚇聞者更深睡已熟暗中驚起呼巾幘門庭曲折
猶平日家人喜見若新客老父老母立燈前就視謂兒瘦于
昔先計遠來速治殮次問平安與踪跡老母從未歷江湖更
問老父兒何適天涯雖亦寄雙魚不及見分心格格吁嗟乎
古人既仕求終養晨昏不敢去其側未仕之人胡爲乎經年
萬里江湖游貽我高堂之嘆息

送李五曾之貴陽

丁未之秋游上谷與君飲馬長城窟東山既登復北山八月
霜高雲影肅踞峯遙看蚩尤林秦漢武功宛在目賦詩不可
得同聲黃羊嶺外渾河綠分手歸來集玉橋燈宵更奏霓裳
曲碣石館前駿骨荒丈夫空老鬢爲霜投筆鞭馬復南征萬
里鳴刀捷鬼方此時同社諸子皆壯之慈仁松古蔭瑤巵漢
家伏波嗟五溪日南郡開銅柱低重鐫各姓滇黔西

題錢礎日十峯草堂

嵩華之西多寒山江淮之左多大川萬里崑崙氣蒼茫星海
桐柏相鬱宣蜀岷東走數千里洞庭陰與太湖連太湖七十

二峯高圍環丘阜散雲濤善卷洞接張公洞起伏絡繹三吳
包陽羨梁谿峰有九秀澤天然龍驤首此間仲雍發精靈開
闢東南文物藪有客造室于其下增彼九峰之一友曉月夕
嵐林石恠呀唔悲歌烟霞外桂酒釀成惠山泉畫舫瑤笙香
霧靄我曾游歷遍十洲嶠峒峩嶷天西頭今將鼓柁梅里橋
吟白紵兮吹鐵簫九峰應肯結美人並我添作十一峯若有
若無爲蘆港之仙樵

出都門往游西山

岸高徑低沙塵聚亂風刺面如昏雨獸碑雜列朱櫺間五侯
墳沼藏花樹自晨至午人間摩午後遊人無覓處村落旣稀
烟火寂古寺破垣僧散去遠峰變色暗夕陽盜賊持兵走荒
墓虎豺乘野亂奔林當道作威聲震怒鞭馬馬老委中途頑
石滑蹄束其步二僕携書隨行緩相隔一里不相顧遙瞻斜
嶺通白楊草根狼籍拖山路陟巔廻視來路封滿天明月收
羣霧

別都門

日光晨發滄海根初力照破飛沙昏上書不得見 天子敬
肅衣冠別都門都門別去將千里烟霧蒼白如秋水長征車
馬爭路行驢駝毛瘦腥風起近塞小兒吹蘆笳暮春雜落柳
桃花獨飲野店無親識一日數換主人家

次臨清程際飛張雲漢喻子卓招飲戲贈女郎傅大

數年別去今重過故交投轄將若何故交原從貧賤深安能
長往傷其心小妓初歌燕山詞角飲數杯如顛癡君不見一
斗亦醉一石亦醉之淳于髡視諸醒者正昏昏又不見阮籍
高卧隣女旁久之無他各相忘善飲在彼不在此美人何必
非君子

放船見壘河者

橫板積水水不下源高舟放如怒馬舟尾羣將鐵纜留乘勢
號呼爭水頭岸淺石堅皆冠警軋軋一聲無完舟旁觀嘆息
風波惡舟子茫然亂根脚饑魚搖髭齧人肉同舟能笑不能
哭

分水龍王廟

世無鄙道元誰爲水經註乃能窺源流南北分雙路南北各行數千里七十二泉相母子舟楫往還難易均國家命脉生于此命官治河屬大臣歛鋒勞勞風夜勤不然錢穀百萬艘安得空言乞鬼神鬼神有功亦有罪視彼河臣忠與怠圭璧枉沉犧牲死風濤無恙三年在

毘陵遇徐九一太史賦相逢行

與君別自長安市君開東閣延名士其時君有文章名我來呼酒君倒屣天子詔君奉母歸清霜兩岸梅花飛璽書高擎學士船銀瓜雙送老萊衣聞我在此君來顧使我客中童僕亦光輝醪酒鵝鵝厄炙紅虬薦綠菹問近日之行藏發長歌以寄思星光在戶微風暗吹東山起月明西照河之湄又安知我之得意與不得意今日明日之爲何時

黃華劉侗人北赴秋闈遇于虎丘月下詩以送之

微風夜起松陰亂歌聲清老吹不散美人遠立月明中麗粧微見衣裳紅君從暗處一呼余迴頭大笑過僧居昔年齷齪長安市別後相思難致書高山深澤澗雷雨蛟龍無力雜蛇

處小兒詫怪蒼頡文指爲不祥驚且詛行空天馬脫驪黃世
間應自有孫陽雲漢昭回生匹練能使千人萬人見

黃華山觀戲

黃華山深積翠微東風將歇桃杏飛嘉菓珍肴笙管圍美人
歛步蹴紅衣素粧靚妓遠山眉歌喉引長嘯依依牡丹香悄
夢不歸亂我心兮如調饑愁殺雀臺張總幃周郎顧之懽且
悲上馬酣吟倒接離出城滿天星斗暉金圍鐘板誦陀尼宰
官居士笑同飯

柳麻子小說行

名遇春號敬亭年八十揚州人

丙午之秋客廬江秋雨平溪水瀼瀼素車白馬冠蓋集執紼

來登被九堂禮成哀止設賓筵垂楊院靜荷池烟靄裳舞衣

粉黛濃步搖環珮響玲瓏將歌未歌絲竹廳中有人吟高聲

喚吳歛齊謳南國多鳳嘯龍吟君不見芳蘭紫荊繞珠屏郁

厨佳膾五侯鯖惠泉露洗北園茶官揀遼菘湛雪花暫撤賓

筵列兩旁豹紋編裯布中央傳語滿堂客滌耳喧囂不動肅

如霜緜衰紅櫻蹲座上座定猶餘身一丈科頭抵掌說英雄

段落不與裨官同始也叙事畧平常繼而搖曳加低昂發言
遲俚入人情吐音悲壯轉舌輕唇帶血香目瞪稜精華射注
九光燈獅吼深厓蛟舞潭江北一聲徹江南忽如田間父老
籌桑麻村社鷄豚酒宿斜忽如三峽湍迴十二峰峰嵐明滅
亂流中忽如六月雨驟四滂沱傾簷破地觸漩渦忽如他鄉
婆婦哭松墳忽如兒女號饑索餅餽忽如秋宵天狗叫長空
忽如華陰土拭太阿鋒忽如嫖姚伐鼓賀蘭山忽如王嬙琵琶
瑟美蕭關忽如重瞳臨陣叱樓煩弓不敢張馬倒翻忽如越
石吹箝向北斗萬人垂涕連營走忽如西江老禪逗消息一
喝百丈聾三日既有漁郎樵叟伐薪欸乃之泠泠亦有忠臣
孝子抑鬱無聊之啾啾我聞此間小吏焦仲卿姑媳評語哀
難聽又聞此間神僧血白如銀膏貌貅墜裏墮三刀孤猿啼
破清溪月炎天簫笛涼於鐵媿媿百句不停喚纔道不停條
而絕霹靂流空萬馬奔一聲斬住最驚魂更將前所說者未
完意淡描數句補無痕世間野史漫荒唐此翁之史有文章
章句腐儒道不出傳奇脚色苦濃妝獨有此翁稱絕伎不可

無一不能二八十歲人若嬰兒聲比金石真奇異乃知天下
之事不論誰是與誰非難逃千載之下人刺譏蔡伯優孟起
九原定與柳翁奏堯箴柳兮柳兮豪布衣

題李武曾鴛湖秋錦堂

嘉興人名良年

橋李橋陰紅樓綺菱菱荷芙蓉雲紫長隄宛轉抱烟闌畫船
如綉笙歌起中有靜者枕書眠小構茆齋楊柳邊不逐春光
愛秋光天碧水澄萬樹霜霜夜月明照鬢眉賓客呼酒賦新
詩吳山晴影送漁帆東下滄江三島涵扶桑曙色綠金曇

月夜西莊泛舟過華嚴寺舊居

淺溪蘆苗舟行遲橋旁倩力共挽之纔入深溪西風來掛帆
疾走如奔雷官堤兩岸胥垂楊絡繹魚脊綠岸長小兒誦詩
十餘首出坐蓬牕納野涼薄暮近城月漸起城外樓閣漁燈
裏渡口諠闌語未分田土晚歸呼舟子月起漸明雲漸收皎
皎銀河晴萬里村落粘天屋側垂樹根星影懸水底濁酒數
卮筵數聲似有解人隨路聽漫繞城東入湖去冥然回首煙
青青湖平四望雜草無蒼茫暗綠盡秋蒲蒲密風遞蚊蚋集

一齊歎乃撐船急湖鳥夜驚飛翩翩到家扣門人睡熟
漁翁醉在漁人山
山雨秋綿湖水盈大山浸麓小山平怒風闖波天水冥如聞
百萬戈甲爭惟獨漁船來往輕搖入蒹葭深處橫風息捕魚
風起停將魚換錢夜沽酒滿湖山月繞船走戈甲相尋不知
足恩讐驅使英雄哭都是風波路上人試問誰與風波親
牧童曲
沙田種楊柳溪灣注秋水深村徑僻多煙蘿行人錯走蘆塘
裏小橋東折酒帘香農夫辛苦何曾嘗牧童摘瓜醉籬旁一
路山歌驅牛去飯牛已肥醉不妨

不掛逢夜吟

夜星射泥黑鬱寒詰朝雨老農飭廩柳乘露打秋黍掩扉坐
虛牕蚯蚓石根語既幽且長節奏生林風徐引入蟬聲微步
蒼苔低耳尋秧鞦觸土驚沉沉河漢漸西移似縷薄雲渡月
湧光始穿歷歷天東樹愁來倒筐床瞪目看屋梁慘淡起行
竹陰外三枝五枝橫北墻犬睡闌門兒女靜四無燈火煙如

霜低回將倦鷄鳴時忽然幻夢出空竒踪跡破碎非人境欲
醒不醒魂支離舒身大叫心胸苦家人高枕安得知

溪上吟

湖水通野田種秫蘆溪邊溪平沒秫穗蘆深隱漁船岸外高
樓三五處湘簾影壓垂楊樹欲捲不捲樓上人日落秋蟬鳴
不住東山烟白月光攢數聲簫鼓西橋灘頽然獨醉歌且歸
暗風半天烏鵲飛

問接花者

種桃接梅樹梅花滿樹開去年賞花者重尋舊路來舉頭看
樹上桃花安在哉試問花有主人否此花是桃還是梅

答

花開豈無主賞花莫賞枝恃此故根力翻與故根辭故根辭
不去接者徒相欺接非其種開幾時開時不知落時知花今
開今空爾爲

卽事書友人扇

長隄踈樹籠烟樓黍光初碧盈南疇野徑微通深竹裏障泥

斜踏栢亭秋亭前黃鳥啼桐葉華山峰隔晚雲接美人中酒
裙羅裳夜臥琴輒當鴛床朝來風雨拔林木與君洗脚東園
麓風雨纔收水潺潺不醉不醒行又還

爲梁伏村醉後書

七哀與八哀詩成無一句千哀百哀人哀極不能住豈惟不
能住竟是不能哀白日青天路君從何處來生兒不得婚生
女不得婚總是白雲翁一笑儵然去誰則無玉堂誰則無松
籬把酒花間唱星輝竹上枝我已作死灰人說不復然天意

不可知然之或有焉人生自有妻人生自有妾花開一段香
不顧開枝葉我說我可憐人說人可憐人憐我死後我憐是
生前欲死死無名欲生生無地孤孤亡命人昧心談文字文
字未嘗非時窮識者稀靈光殿巋然其人竟安歸時花放千
朶明珠藏一顆知我獨有君知君獨有我君知我兮烟霞侶
我知君兮金碧色試將烈火煉金碧寒星迸躍光千尺

贈張冲立

河南扶溝人

兩年狂走河南路山雨山風無住處蕭條萬里不見人鄉村

寂寞晴天霧金粉泥泥影大梁杞南松墓眠商王掃却荆榛
攝衣拜登巔四望氣蒼茫有個主人號冲玄博學雄才詩百
篇兩株怪棗樹庭前徑如其人鬚鬢然

贈張先誠

西華人

勻勻平坡數百里一蹇策來東風紫遙遙窮路主人竒錦石
紅櫺綵樹披山海之珍味家常古今名畫縣草堂無限亭臺
皆火雲迴看紅綠花紛紛剩得臘梅放堦前留余相伴瓶花
眠昨日酒多今日倦高譚適意復陶然君不見山子頭南峰
峰霞但醉君家卽我家

採桑曲

種桑人家十之九連緣不斷陰千畝年年相戒桑熟時畏人
盜桑晨暮守前年災水去年旱私債官租如火鍛今春差覺
雨風好可惜桑田種又少採桑女子智于男曉露浸鞋携筍
籃幼年父母責女紅蠶事績事兼其中桑有稚壯與瘦肥亦
有蠶飽與蠶餓忌諱時時外意生心血耗盡繭初成織不及
匹機上賣急償官租與私債促織在堂絲已竭機杆西隣響

不絕殘歲無米貸人苦妾意明年新絲補

晤易曦侯

黃岡人名道是流寇破死節

我昔渡江來石頭君已先發楚江舟及今空憶十餘載吳門
五月披羊裘旗鼓我與君相當睥睨座中如髑髏出其文章
數萬言表裏六經相稽求虞卿博學以書傳著書安得謂窮
愁君不見黃河東下走滄海橫截衆流色不改丈夫中立天
地間勿爲其易爲其難勿爭一時爭千載

別文初

諱宗典

與君夜棹淮南路風雪萬嶺歲將暮詩文多得之牢騷意言
相長精神聚步兵不肯浪交游白眼其爲庸人妬曲致微心
微乎詞讀者戚戚生感悟吳門追隨半載餘破帆千里獨歸
去榴花隔離照葛巾菱荷滿渚吹晨露功名富貴非所難忠
孝不成君子懼願從此地慎潛修勿徒江上歌紅樹

別瑞初

諱宗昌

三載之前醉長安三載之後醉江干長安別君春未暮吳門
別君暑已殘將行且復造其廬靜不聞聲惟若虛蟬鳴村柳

野無人一溪新水栽萍渠問余再晤期何時懼不如期不敢
期山河能鑿歲寒盟風樹堂高月旦評
鉅野行爲畢開之

荒原土花乾欲紫策蹇西行數百里窮鄉來去皆枯墳蒿井
頽垣沙礫裡偶爾遙聞雞犬聲草蓬深處敗墻橫問路竟日
無來人破樓斜角半天撐其間退藏吾老友喜予命駕山村
酒書畫滿堂設棋枰燈光夜半不停手石榴花瘦青桐孤琴
磚列坐看星斗生平誰無好行藏東風吹得竹琴香明朝我

不知何之醉裏高歌夢裏霜

一虎丘遇陳聯芳

東山荒石林無葉千里童童影巖業幽寒詭異發精靈雜產
黃銀兼碧鐵抱犢峰高接琅玕紫雪深處閃銅華陳子生平
喜任俠心豔其說往移家余謂陳子此事幻山澤不受凡夫
鍊漢文寵賜美臣錢衣無寸繒食無飯與其虛招金埒名何
如耕稼其貧賤今冬忽遇半塘橋霜烟漠漠風蕭蕭真孃塚
次青帘飛把酒閒聽竹枝詞明朝玄墓共尋梅七十二峰香

滿衣

桃花城秋夜贈方爾止處士

桐城作者方爾止余昔聞之陳百史既而交其侄密之益復
思之無已時風雨鷄鳴三十年今秋共醉廬江烟悲歌抵掌
話生平贈我短篇金石聲博物洽聞近代希不事王侯其布
衣尙論古今作詩史晉唐三子皆壬子異代同年殊不偶畫
成一圖傳不朽車馬如雪桃花城繚繞松阡月四更野橋荒
夜山犬睡茅店滅燈松響碎歸來僧舍聽寒蟬踈樹接天挂

星芒大蜀之眸光深紫銀漢橫浸巢湖水

題方爾止四壬子圖

陶靖節杜少陵白香山皆壬子年

靖節先生家栗里高臥北牕徵不起人知其卒在元嘉不知
其生歲壬子杜陵天寶之詩人香山變爲長慶體迨有明公
千餘年桐城堀生方爾止四子皆以壬子生先後文章輝青
史畫作詞壇聚講圖著其千支稱世紀我聞宗氏少文喜卧
游滿屋琴書畫山水撫絃動操萬峰鳴如置身在烟泉裏又
聞謝子敬微愛步兵手圖長嘯對孫登古人初不問窮達一

往輒復有深情爾止此圖傲古人自命風雅之功臣上下千
秋若同堂且暮遇之須眉新惜哉漢圖無畫工不圖風雅圖
麒麟畫圖其子文海畫圖其子文海畫圖其子文海畫圖
太原贈周計百畫圖其子文海畫圖其子文海畫圖
歲在重光大淵獻陽月晴空浮雲散營室之星皎昏中樵漏
初長明月爛客在太原郡齋西主人下榻開華宴黃花未殘
移暖帷繡魚尾長玳鱗燦盈架圖書押玉籤蚪蚪文雕垂金
琢長安千里驛符飛主人各姓題鑿殿漢家嚴選二千石卓

異聲華公卿薦維時家宰錄良臣太常服物龍光瑗汾水初
水滿岸霜深山虹霓藏不見曉光高射彤霞樓岧嶢紅葉干
林豔縉紳黎庶萬懽呼筐篚鹵膾登堂勸因憶長安餞君行
中州之館集時彥出都祖道事平常名士如林誰能擅到郡
尙未及半年誦歌颺起窮谷徧察奸不讓包孝肅擊豪直稱
趙廣漢乖崖立斬一錢胥茂弘咨嗟三語掾男兒得意抒胸
懷安得低眉耳唾面長孺出守爲平津賈生南遷因絳灌雖
云權相忌高才亦是拘儒少權變卽如君亦遭萋菲霧釋天

青銀河現始終偏疆不脂柔剛哉何懼經百鍊雙眸碧冷言
笑莊屬吏憚之驚雷電若夫窮獨草野民溫然春風接無倦
北海禮賢尊不空度遼倒屣下貧賤暇時拈筆寫秋峰或詩
或文憑耽翫庸人多自謂已長惟君虛受納直諫如斯衆美
鮮其儔取相封侯持左券余遊晉中凡五周居停落落心竊
厭獨留此地兩閱月道義之交深繼緒劉尹日日顧許詢朗
陵時時推黃憲陳徐南州千載傳郭李同舟兩河羨祝君努
力慎厥終異日補入循良傳

見山堂歌

爲楊猶龍作

鉅鹿楊生美如璧曾爲史臣又方伯燕趙悲歌萬里來秦川
蜀嶺皆聲色爰構一堂曰見山厥義取諸陶彭澤北枕玉臺
南錦屏對武侯祠側滕亭高士竹翔金鳳尾美人蕉展翠魚
翎閩州地暖天氣嬌非晴非雨烟瀟瀟鬢黠不停林壑變十
二時中時時看天馬低昂繡兩峰嘉陵曲折潮三面畫工濡
筆而失之漁郎迴首桃源幻目成心賞故難言多少忙人都
不見紫桃笙紅豆案聽筆蒲江硯臨風忽聽巴渝謔思鄉更

寫連雲棧躡鴟煨郵筒醺野賓啼僊驥舞驪獵郊而弋熊賓
圍峽而圈虎笑長卿之倦游此太冲於儉父聊以官爲優孟
塲不如堂作青山主所見之山堂之內未見之山山之外山
外之山見無窮無山不見此堂中堂兮山兮見楊公

玉峰獵

有序

川北楊總戎十月旣望獵於閩中之玉峰招余往觀
將以騎射大鷹示武於遠人也圍合而復移者三竟
日無隻蹄片羽楊不樂余作此歌志之

時同楊猶龍
孫黃中離情

和尙

錦屏冬曉花光爽日映江嵐浴金碧一夜寒飈霜樹刑鷲鳥
欲搏鼓其翼將軍下令獵郊南錦馬貂裝綠玉鐔健兒高呼
耑指示綵旗如豆搖峰尖楛矢雕翎魚貫入弦響毛紅飛不
及山鬼有靈先告之千林如掃無蹄迹蠶絲嶺北黃柑村天
童老衲揖將軍此村遭亂三十載居民殺盡絕鷄豚虔劉者
多子遺少山澤幾曾有餘珍願爲鳥獸乞微生將軍且有無
敵名百戰百勝事尋常何如不戰而屈人之兵將軍擲弓催

田鼓自云射楊兼射虎終朝獵不獲一禽英雄安所用吾武
蕉鹿夢蝶影茫然漁歌歸去扣沙舷臥龍祠西海棠川鐵笛
橫吹離堆烟浮橋風夜水濺濺

離堆山在蒼谿縣城北

歌臺猛士行

辛巳三月二十九日事載文集

湯沐之鄉多猛士風雲附會高皇帝枌榆勝跡兩千年尙有
蕭曹功臣裔屠沽酒媪悉英雄海內何人敢輕視辛巳之年
三月暮荒歲民饑逃滿路揭竿四起美潢池幾飛會不討其
數直過湖陵犯歌臺深宵烽火如碁布余心惡之傳私令隣

里兒童皆聽命鄉兵不與官軍同止可用竒不用正鐵馬金

戈農夫少旌旗虛插垂楊杪深春土氣發烟光土波搖動白

茫茫賊自西徧向東視人影浮空幾丈長步者森森誼鼓砲

騎者隨余搗中央直入前茅穿背後淋漓血濺綠沉鎗賊方

蓐食尋攻具聞信闐然各奔去別遣餘賊焚吾廬樓廳圖史

盡灰墟破我一家救一城城上親朋謝再生豈知此非我所

能迺是吾鄉子弟兵戰罷疾書猛士銘配大風歌勒泗亭

秋夜塔兒頭卽事

地在淮城東南六十里再彭墓其先府君處

西鐵水漲連東海

西鐵橋在淮安新城西門外一名西義

兩岸平沙積腴腴干

村百村皆青畦杭田豆田籠烟靄黃河龍性最難馴嘉禾莠

熟滄桑改素封擇地墓先人墓後子孫每賤貧天地常爭新

世界山川不結死星辰湖中僅有朱仙墓

墓在淮城西北湖中

乘氣難

求郭景純塔兒莊上多銀桃隣舍漁翁薦鱉螯青茨烏菱帶
露摘磁盤洗出下醇醪箏簫迭奏竹枝涼蚊蚋薨薨秋夜長
痛飲酣眠日射牕醒來滿院木梨香

里竟游平山堂

凍路泥枯霞影黃澗吹老冰生午涼白雲起伏峰岑寂銀杏

葉葉帶紫霜當年永叔構斯堂一丘一壑入文章山色有無

隔江南金焦北固烟蒼蒼謝公嶺上傳歌伎何遜梅花滿署

香垂楊隄斷酒帘稠殿脚佳人唱玉鈞二十四夜漏沉滿

天螢火燒迷樓開樽先酌張公子憐他只合揚州地十里長

街半蕭條山光禪智餘基址史稱煬帝何愚頑彼亦人生行

樂耳榮華頓頓總荒丘縱不思頑終至此君不見簫管紛紛

歸畫船月明空照邗江水

虞山寒食行

去歲清明游匡廬今歲清明游海虞匡廬之勝在山巖海虞
之勝在山前山前七浜像七絃邑以此名號琴川琴川坵墓
纍纍然鬼火多於市電烟四時無日不誼關惟獨寒食更堪
憐哭聲蕭蕭寒風聲新黃里山中雜采蓮新貴宦成買舊阡舊
宦兒貪看祖先走地生地歸夜泉與我反掌此一卷櫻桃欲
放牡丹殘金箔墜坐滿庭散醉佳人墮釵細斜陽鴿影墜
峰肩

漳南行

西門豹祠在銅雀臺東

鯨背橋南看春雲楊柳垂垂千萬村古渠再穿膏澤勻家家
賽社熟鷄豚持酒登堂臨西門鄴城千載甘棠芬掃除東閣
待嘉賓敲碁掘梨賞文贊皇轡軸不足云野老瞻像拜仁
君

白奪山人詩目錄

卷五

五言律

登泰山

四首

日觀峯

游藏龍峽

六首

送朱毅韜歸崑山

四首

泗水道中

過交題賈明初藥室

二首

游泉林 四首

咏泰山土產 三首

濟南閒咏 四首

游龍洞山 六首

題佛峪精舍

中秋夜作 四首

正沽亭題韓淑旂草堂 二首

自食菜史園 三首

通許卽事 四首

冬初偕陳司南劉霖浦飲編容上人精舍

贈孟依之 三首

膽廬贈馬果人叔姪兼示布庵菜史子遠愿士 二首

和王似鶴

和荆觀四

贈陳司南

游三峯山 四首

游太平庵 二首

游金仙寺

賦得秋色老梧桐和沈繹堂太史 四首

楊猶龍署中大雪刻燭微詩遂成十五首時十二月初

七夜

馬子遠齋中卽事兼示某史定生叔姪 七首

臨穎除夕送楚人會試 四首

許昌春夜贈何仲端山人 六首

贈田馨碧 二首

送楊猶龍方伯四川 五首

贈何元矩 十首

鄢陵畫肆贈柳宗研 二首

贈平煙水 五首

贈許清許各醫 三首

柯蘆秋以詩投我次韻答之 三首

贈張岫嵐 三首

方芭漢夢登高山余適以是夕至遂志之

夜飲芭漢齋中

在芭漢處寄煙水兼示張巫峯伯仲

南園 八首

戊戌穀日平煙水梁以道見訪臨臯作此贈之 十首

太原秋溪看岫園山紅葉時偕吳江潘次耕濟寧孟石

聚陽曲趙疑之 三首

雁門送李天生歸陝 四首

重過陰太峯清暉園 一首

題荆觀四山齋 一首

似鶴園卽事

游終南山

宿白厓寺 三首

贈張嘉生鸞永思

題岫雲羽士閣 二首

題蓮花峯

蒼龍嶺 二首

箭括 二首

粵陰書王山史齋中

武功贈張訥夫 三首

耿子玄園中次李聖年扇頭韻 六首

訥夫禱雨有應贈之 三首

過永壽贈李懷仲 五首

村居 十五首

題萬年少隰西草堂 一首

除夕自河南歸

殮室人張氏樊氏於南莊 四首

再哭樊氏 二首

至徐州過萬年少故宅 二首

廬郡夏秋詩爲龔孝升作 二十八首

別龔孝積 四首

秋分日秦虞桓召飲限韻 二首

送單縣張鼎臣之金陵 二首

村居雜咏 十九首

閏五月與張抱珍苗質馨同至蔡叙伯莊上看花 五首

山莊

秋村

和陳蓮生來韻 二首

微山東友人 二首

哭倪鴻寶先生

安東道上

宿壩頭

柱門

答徐古圖吳門見寄

徐縣令見過 二首

寄懷李太青

家信

答單臣素

答陳百史 二首

頂仲展病中過夏村未得一晤作詩送之 二首

聞若蘭有好事

寄懷姚六康 四首

西苑 二首

天壇集飲戊辰夏初事 二首

皇極門早朝 二首

潞河龐家嘴僧舍偶作 二首

五筵邀宋蓼天王涓來王敷五薛大武何昭侯李峭雪

紀伯紫李條侯集飲慈仁寺松下

居庸關

宣府偕戴務旃李武曾戴無忝山游卽事 二首

魏郡冬吟 三首

巳酉元日祝內嫂王安人八十時在邯鄲署中 二首

邯鄲元夜

游方山 六首

姚莊借趙配五嶮五信五共飲西園

三首

過鉅野題畢開之畢位二村舍

二首

高唐至禹城皆昔年計借舊館也感而志之

齊河道中望泰山

新春爲單臣素作

清明答單臣素韓淑旂兼寄故鄉友人

慰同難魏君重黃若曾二子

送邢來之

閏六月詩

白奔山人詩集

五言律

古沛閣爾梅古古氏著

登泰山

修路去其險山高人不知看他深厚處無復盛衰時光偉如
君子尊嚴若老師垂紳雲漢上華夏古威儀

二

山下自風雨不知山頂晴青天超距上白霧半腰生樹古忘
年歲泉多失姓名斗盤開鑿火萬仞覺平平

三

秦碣無文字傳疑不可蹤千八百國長七十二家封氣翥樓
臺狀光環日月容世間好男子看取丈人峰
丈人峰在絕頂

四

峻極風雲絕蒼蒼萬里塵神州成下界日本是東隣寶色儼
王者精華開聖人肅然生敬畏作頌欲逡巡

日觀峰

太山絕頂東崖上

山根何所有夜半必光明山在虛空際光緣日月生何曾天

外落直是地中行行健真如此開人萬古情

游藏龍峽

在萊蕪城西南十里

南山風雨注水口劈雲門似是神工琢曾無鬼斧痕空明俱
有竅生動不連根惟石沙邊列牙牙虎豹蹲

二

斗丁三層跌羣山萬壑歸蟄龍卷
音平瓜睡仙蝠帶兒飛罇與

生光恠潭空滾翠微陰房難測度折簡問靈威

三

平麓誰開險虛岩似鑿空
嗟呀兼小巧樸拙帶玲瓏
檀栗垂天上雲霞閃鏡中
幼輿安所置丘壑此無窮

四

或或桑麻內靈蹤地底函
髻鱗如有狀罅縫若爲龕
樹色千村綠山光四面藍
何人鐫石額筆法楮河南

五

曠游晴最好此日却微陰
麟鳳行藏晦漁樵知勇沉
伐山須借斧拊石且鳴琴
空谷非岑寂覺然有足音

六

易有精靈物難逢賞識人
龍蛇爭氣類屨杖感星辰
地瑞韜藏久天光剝換新
狂吟收拾富不使客囊貧

送朱毅韜歸崑山

諱肅

海外尋幽島山中賞怪雲
懷人難得邁無意乃相聞
蔣氏開三徑顏公咏五君
兵厨佳酒在况復值秋分

二

曉氣連山翠晴光映水藍
采風來汶上送客返江南
劔擲要

離塚芝分角里龕君歸先掃徑我亦訪茅庵

三

早魃三春酷陽侯七月栽螟蝥戕稻黍魚鱉泛樓臺處士徵
何用流民繪不來試占分野象熒惑正徘徊

四

俗士游金谷高人上玉峰三江雲黯黹一路草蒙茸吳市誰
爲倅阜橋若个傭相期霜未落鼓柁采芙蓉

泗水道中

旅店知何處登高認路生虎狼多有跡雞犬不聞聲望樹投
村落無人問地名溪邊逢破廟碑碣古盧城

過宛題賈明初藥室

嶧縣人

二豎乘時亂丹方與日新市中多鬼物壺內有仙人端午杏
林茂重陽蕙酒醇昔賢能急病不獨爲家貧

杏萸用醫家事

絕技無兼者惟君種種奇竹林逢鍛客海水悟琴師蟋蟀千
金闕鶻鶻五鼓吹自憐多少病來就故人醫

游泉林

泗水源也山名陪尾在古卞縣東五里

關里秋光曉東行訪卞橋水躔丹幃尾山帶白雲腰佳卉紛
如繡靈禽靜不囂石邊堪枕嗽况復酒人招

雨靄沙塵淨晨登陪尾山疎峰青霽寒溪樹綠陰環風掃堯

羅葉雲封薜荔開殘穉狼藉卧剝落不成斑

泉林寺有堯羅樹

古水陰森久臨流暑月寒地華生秘藥天影弄飛瀾彩霧十

峰紫幽花四季丹音光題不了盤礴醉欄干

四

緬懷洙泗水今始遡其源花氣相爲蔭蟬聲不住喧石苔涵

露蕊金沆洗雲根布席芳茵軟常留屐齒痕

咏泰山土産

聞有佳山水生子避世心紫池葛九節白塔粟千林郊子宮

名古延陵樂理深采風齊魯福策蹇到龜陰

紫岩池白塔村皆徂徠山下

龜田在泗水城北接泰安州

物產隨方域山川各有長秋沙生石蠓春雨孳柴蠟草萬三
楞秀稜開四葉香振衣亭禪下肅拜古明堂

三泰山生雲

土堅宜樹榦泉暖更畦瓜松多秦樸椒栢老漢杖檉海藻浮
金杏山皴掃石茶神山在吳舟難考是天麻

濟南閒咏

雨霽烟光澹登高四望虛綉水宜煎茗覺堂可注書遠岫陰

陰樹澄潭尾尾魚還愁春未了從者莫鞭驢

綉江水出章丘會仙山

游龍洞山

在歷下東南五十里是諸山絕勝處懸崖有錦屏春曉四大字不知誰書

忽報春歸去羈人不願閒尋幽龍洞裏叫絕錦屏灣古塔千
層雪荒溪四面山采禽從未見花外語閑閑

題佛峪精舍

峪在龍洞東最幽險

幽磴旁開路危徑倒鑿牕屋巔松簌簌厨角水瀧瀧說偈石
頭點拈花山鬼降人知居士靜爲我拂金幢

中秋夜作

時同梁東川馬龍賓魏君重黃若會同飲

惟秋爲氣若相感輒成悲况處異鄉外又當多難時浮雲終
自霽明月不吾欺移酌空階下長歌古別離

沽亭題韓淑旂草堂
泗水生微綠鳧山帶遠青田園聊卒歲子弟且窮經煮酒臨
花塢彈琴韻草亭心閒自無病不必揀稜苓

相去無多地遙遙晤對艱隨時分道路舉目障雲山學問
中老風波病後閒從茲加靜息妄夢可徐刪

菜史園

大野生菅荻荒墻屋半間煎茶惟白水挂畫有青山時鳥成
聲色孤雲自往還蒼然花竹處宿草不曾刪

二

晦日三更坐朱曦待曉風肌膚如有觸涼燥不特攻隱士嫌
徵辟奇書夜異同人間高尚事生出此園中

三

客路須調攝晨霜五月寒野花迎杖屨秋色滿牕欄病向酒

中起山於雲外看因悲逃世者那得此盤桓

通許卽事

風土愛咸平無心偶入城承筐勞地垂問字走經生月黑登

千樹秋高雁一聲此中尋複壁註疏老邠鄉通許古陳留郡屬地舊號咸平

鎮

蘇州五雲自出雲蒸然水自流

百戰申州地荒沙帶亂墟丘陵秦漢錯封建夏商餘文士徵

新稿田家葺舊廬缺長安所用慚愧使君魚

三

山震鍾如答聲聞不妄傳六經附壯歲十嶽嘯餘年酒應黃

花節詩裁白苧箋好音應未阻一一寫水絃

四

欲攷春秋蹟先稽鄭許封大邦時有命敝賦悉難供駒汗誰

知駿魚衣不辨龍長卿游且倦安得久臨邛

冬初借陳司南劉霖浦飲編容上人精舍

日日學逃禪江湖又一年何當僧貰酒便以藥為錢孤磬寒

雲豎疎鴻小雪天
阮途須自耐莫使北風憐

贈孟依之

八月既秋分長空漸白雲
醅中君漉酒花下我酬文
星斗隨賓主山川迤見聞
旅途何日謝寒暑易紛紛

四二

戰馬叫雍丘登歌祖逖樓
當年名士蹟此日故人留
互鳥歸路青桐凋敝裘
故園多桂樹誰賦小山秋

三二

好音無識者工瑟不如竽
豈有渥中駿甘爲轅下駒
寒星窺寶劔明月洗華珠
試作移山解愚公未必愚

潑城膽廬贈馬果人叔侄兼示布庵茶史子遠愿士

城市無餘地亭臺曲折生
天於冬夜永月以歲寒朝
花鳥求新侶圖書載舊評
此中須靜享不與世人爭

平生投刺少馬氏我通家
小徑脩脩竹高聽漏漏紗
非將歌引雪今借酒題花
選擇居停好如君故不差

和王似鶴

諱含光辛未進士猗氏人

花氣兔園內山光熊耳前
金雲生桂早珠露起荷圓
着色錦江畫移情滄海絃
臨文常血指刻意有誰憐

似鶴善書善琴

和荆觀四

諱光國猗氏人

晚日登樓嘯鐘聲挂細烟花塵
憑竹掃酒令待燈傳齒蒼邀

新社芭蕉寫素箋賞心安適太揮塵
聽鳴蟬

贈陳司南

司南諱璿洛陽人

葛屨屨霜寒無人可共歡
等閒逢大雅恰好是微官
月炤干

將鍰水啼苜蓿盤不爭桃李事
階下有芳蘭

游三峰山

在禹州城西南

出城十餘里隱秀結西南
一氣嵩山落三峰潁水涵
鐵梨蕃綠柚金柿比黃柑
何處幽琴發松風掠石潭

山平如素几斷處乃成峰
伏有龍蛇狀蹲爲俎豆
容崩厓蒿蔽井破寺栢懸鐘
初路多新險烟蘿步步封

三

五言律

來峰殊簡穆，段落或低昂。水靜魚連春，沙平雁次行。神山浮海面，心宿列坤方。夜雨秋分後，青螺遍洗妝。

宿音秀

登巔無所有，側影突烟鬟。截作蜂腰勢，攢成筆架山。茨官斬帝問，襄野牧童還。密邇神仙窟，時人看等閒。

游太平庵

在三峰山北麓

恠卉蒙幽壑，深山獨自僧。四圍霜葉岸，一架木香棚。昧火龍猷石，空牀不挂繩。踟趺西閣上，牕月與傳燈。

二

援竒投僻路，一往不知勞。險若無人住，荒村有虎嗥。石田收

秬黍，山稼剝胡桃。拄杖東籬看，千竿鳳尾高。

游金山寺

在三峯東北麓

古剎東峯畔，金僊負絕陁。草深泉暗響，花聚戶常扃。靈雨纔新霽，秋山好翠屏。別登高處望，無此柏岩青。

賦得秋色老梧桐和沈繹堂太史

四時均有色，秋至獨紛紛。白露迎商律，玄谿撫斷紋。風疎穿

葉響月透透枝分冷落天如碧長空驚一羣

玄谿亦名龍門

二

霏空霜不見得氣物先驚草木辭金粉山川就老成
產爲琴瑟貢樓有鳳凰聲勝園多楓柿紅霞爛爛生

三

嶧陽有嘉卉文質美秋深百尺莢華欽手山氣韻沉牧
樵歌白石城郭畫丹林時與西風會劫然出靜音

四

草木隨時轉經秋是到家寒江炤鴻雁野渚瘦蒹葭
雨霽烟如雪霜深葉似花不須憐歲莫好待仲春華

楊猶龍署中大雪刻燭微詩遂成十五首時十二月初

七夜

山中無個事醒極偶尋杯非俗非僧意不衫不履來
雪濤烹橄欖糯酒漬楊梅莫學剡溪子寒舟暖夜廻

二

雖遭離亂久故步尚陵嶒謝絕風流事居然苦行僧
邵公開

楚獄偉節解甘陵拚此餘生在名山盡數登

三

寒夜不能寐挑燈黃石齋文章成碧血星日炤丹骸信史未
全考故人伊可懷死生游戲耳心事幾曾埋

四

浮沉應自了何事了他人縱作投時伎誰爲不壞身石雲千
壑秀山草四時春若有漁郎問桃花謝主臣

五

故人將蜀道附便入西涼得君同嘯傲省我辦餽糧蕙苒須
輕載蒲萄有別香張騫葱嶺路未必盡荒唐

時楊已陞四川左藩矣故云

六

樂府吟公子都從愛客傳雪飛春柳絮霜霽臘梅天典引題
名士靈光賦少年關西庭訓好秉賜接三鱸

七

大呂三冬律寒梅一樹花仲宣稱夙慧文舉號通家勿恃管
中豹當爲天半霞他年金匱地接踵五雲車

以上二首專爲楊子相作時年

十七

八

論人三代後總是尚虛名
嗇挾豚蹄祝高持月且評徐州傭
李燮榆次日荆卿直待冰霜破
恩仇各有情

九

感慨主人義淹留窮歲何膽瓶
花折瘦犀解酒升多蹄白三
韓豕磯青一硯鼉滿涵書畫古賞鑑
輒悲歌

十

風雪一身在江山何處歸
習來饑渴慣所至姓名非呼酒陳
桑落連牀老布衣
枌榆應不遠只是社人稀

十一

一自焚院後誰能辨魯魚
宋元山水畫漢晉草行書
重校石渠誤旁蒐金匱餘
居停難得爾臨別復躊躇

十二

天外無丘壑西風恠許巢
但能隨地醉不願解人嘲
雪嚙黃柑子冰啼翠竹梢
只恐山月靜睡虎欲咆哮

燈火夜云半悲歌人自雄
八千僧北面十月東風書畫宋
唐紙圖章秦漢銅揭簾視星斗
參畢列天中

十四

彈琴纔入拍剪燭已成花細譜龍吟水遙聞雁落沙
高文鐫石鼓隱士賦霜葭鬼蜮欺人甚凌風嘯紫霞

十五

自今天長夜寧知物有神山川畱醉客豺虎惜窮人家遠不

勞夢年終將改春伊誰相識者此是楚靈均

馬子遠齋中卽事兼示菜史定生叔

十二月十二夜

主人初下榻明月炤疎簾夜永蘭膏續風微雪氣嚴河鮑燒
蒟醬淮蟹炙晶鹽誰報春前色梅花已吐尖

酌酒一千盞何須兼味新花間搜律呂天上列星辰水雪能
開歲山川不妬火大寒誰與共白石古松隣

真苦三南並保寒明并寒北齊發賦在神或具天或聖或賢

莫苦河南道君家卽我家此宵逢地主何處是天涯栗列能
生氣梅開正有花當天參井分燦燦結青囊

把酒說西山人家穴幾間不知花種類無數鳥綿蠻雪霽千
峯素雲歸萬壑閉欲尋箕穎路水石淙灣

那得文章箇都守醉後蘊風雲皆自幻注海不能爭漢紀雙
荷悅離騷廣屈采歸來山寂寞瀑布一聲聲

六

漢人推馬氏今代白眉多霜老松如畫風高海不波絳帷傳
雅奏銅柱紀蠻歌佳酒若能給扶筇朝夕過

七

汲心人澹遠香色在鹽齏百斗閒畱客千金擲作泥君方求
駿市我自唱烏棲他日登高望雲封五嶽低
臨穎除夕送楚人會試

偏是牢騷客相逢輒楚人旅徒多譟譟章句各斷斷玉案光

如雪金臺步絕塵他年宰官地可憶老僧貧
草堂寒色貢一路半梅花於此能相醉安知不是家春城宜
待詔逐客正懷沙試看鴻冥跡翛然未可斂

三

舊年餘半夜明早卽春風嚼雪誰相似書雲獨不同班生答
賓戲阮氏泣途窮彼此殷勤意浮沉旦夕中

四

黃州名下士潁水一相權風雪此時好行藏他日看挑燈梅
影素走馬杏筵丹別後尋巢許箕淙洗耳寒

澤州人名步武善鼓琴善畫

有客不相識閉閒江海游戲將千點墨寫出萬峯秋古道應
難問斯人可易求一杯一杯爾忘却幾譙樓

自與此君晤山高風雨深花間春弄色我醉爾彈琴何處美
人曲無端狂士吟正平游許下槌鼓有遺音

酒酣生異趣，謔笑不猶人。上帝亦曾醉，西周輕賜秦。愁來心
欲病，觸起淚盈巾。畫得江山麗，難醫客子貧。

許州原隰茂，今古戰場多。游客尋山水，環城賞芰荷。將裁衣
不就，且泛棹爲歌。春晚逢花醉，參差攬薜蘿。

苦此端溪硯，饑來嚼墨勝。欲煩君寫照，却怪我何僧。呼酒兩

三夕，尋山千萬層。相將泉石路，烟雨濯殘絳。

剪燭燭生光，吳歌子夜長。好風楊柳韻，新霽牡丹香。筆楮嫌

無賴，山川謝此狂。約尋王屋勝，春夏讀書牀。

贈田馨碧 陽城人名，映覆設帳許州。

渡澤琅玕器，搖登下太行。紗帷深不見，書帶翠成章。夜雨熬
膏焰，春風蕙晦香。少年期遠大，寶鍊淬幽光。

負笈走中州逢余話壯游
黃河堪繫楫白眼故登樓
騎紫騰三足鞭羊呼萬頭
終童懷抱遠編棄直封侯

送楊猶龍方伯四川

時在少林

君本何其遠余來亦有因
自傷千里驥誰是九方歎
蘭蕙思公子填篋待曉人
登峯須絕頂莫與衆山隣

夏初新雨後洗出武擔陁
白帝爭三峽青神御五丁
廬燒諸葛井石泐孟陽銘
益部天文動長安發使星

三

宦游能著述蜀道有文章
琴鶴隨裝素烟雲入棧長
木牛鳴劔閣躍馬渡瞿塘
無所勞嘉惠筇根七尺蒼

四

客路難于餞輾轅折柳條
青虹懸雨旆白鷺啄山椒
雪積三峩岫雲開九板橋
投荒多隱逸微服過僧寮

五

漢家全盛日方有事西南
俎豆開文黨冠裳集武擔
桐飛三

月鳳乘軻八眠蠶更放青竿觀金經問老聃
贈何元矩 有序

送帥雲扶溝何子元矩持其先御史全集命余選之且評之
容韻贊序之余時在杜郎伏村以酒人來溷未遑也無何入
四城市數日不得意復歸杜郎何子亦以是日至因商
所以選評者法寒夜挑燈滿瓶柑菊因走筆志之
紅葉飛無數黃花貯滿瓶徬徨千百載出入十三經已廢賈
生策還歸楊子亭甘蕉今夜窖臨帖帶霜青

二

嘆息故人到携其先祖書升沉難問世筆削獨徵余此日挑
蘭燭他年泐石渠嗟哉今御史視草徑何如

三

微霜驚木葉下下幾重重國史千秋匪扶溝一樹松表揚爾
曾祖痛哭我神宗畢竟直臣好年來誰肯容

四

新王難爲客還來覓杜郎寒花催歲月燈火算星霜把臂人

千古回頭夢一場近來操觚嬾獨爲爾文章

五

夜深參井見明月對西齋兩地青蕉冷霜天白雁偕花圍金
鼎篆葉落酒壚柴寥廓中州道談詩爲爾纒

六

閉閣歲月消來去一無聊木落長松在天荒故國逢文章駟
虎豹金石付漁樵好友能生發悲歌似海潮

七

一二皆余友推余謂老成如斯真意氣故爾吐生平花事蕉
桐隱天文鬼柳橫不須風雨夜日日賦雞鳴

八

河南杯酒夜言笑及山東竹瘦鳳凰食笳寒沙漠風神山云
縹緲仙子隔空同今日霜燈好雖窮不送窮

九

十洲行路盡不見有奇人詩酒偏宜靜龍蛇未必真愛客孔
文舉移家田子春誰肯畫山水霜峯隨意皴

千古回頭夢一場近來操觚嬾獨爲爾文章

五

夜深參井見明月對西齋兩地青蕉冷霜天白雁偕花圍金
鬮篆葉落酒壚柴寥廓中州道談詩爲爾纒

六

閉閤歲月消來太一無聊木落長松在天荒故國遙文章駟
虎豹金石付漁樵好友能生發悲歌似海潮

七

一二皆余友推余謂老成如斯真意氣故爾吐生平花事蕉
桐隱天文鬼柳橫不須風雨夜日日賦雞鳴

八

河南杯酒夜言笑及山東竹瘦鳳凰食筵寒沙漠風神山云
縹緲仙子隔空同今日霜燈好雖窮不送窮

九

十洲行路盡不見有奇人詩酒偏宜靜龍蛇未必真愛客孔
文舉移家田子春誰肯畫山水霜峯隨意皴

十月將終矣看看復一陽未能明甲子且自秘行藏桐葉先
蕉下梅花接菊芳不須追琢苦瑤佩野人香

鄢陵畫肆贈柳宗研

畫齋新著色坐次曼琳琅雨過街塵靜秋分夜燭涼傲爲人
所重貧乃士之常八月疑春令梨花綻海棠

躡躡河南道秋高旅雁孤布帆經粟里金酒載麻姑綠字天

中枝紅霞海上通芙蓉開欲半城市識江湖

贈平煙水

有序

煙水與余爲方外交詩文往復不一而足然皆緣景
觸懷遂歌輒止未嘗就其野居一形容也戊戌歲十

二一月在杜郎偶及此事追憶悠然便得五章不能刻
苦求工直筆漫書而已時大雪之前一日也

草屋只三間當門數尺閒荒牆風不補素几兩生斑
魚鷹隨翠環蒹葭秋水意今在陸橋灣

記得桐丘郭花間一
小兒拜君新到客吟
我近來詩難落水
殘後煙光春仲時
河南誰博古安得不
相思

三

高士兼儒者羣書草
結庵間難思編紵策
馬度敬函齋有康
成卉興無靖節籃家
貧嫌市味携酒釣澄
潭

四

陸橋名未著著則誦
伊人入世皆忙客逃
名得隱淪花下不

妨酒曾邊時獲鱗
讀書嘗閉戶金石一
功臣

五

不知貧病事琴酒自
如如得雨移新竹垂
簾攷誤書好音空
谷外嘉卉小山餘聽
爾滄桑變千秋此做
廬

贈許清許名醫

禁足涸橋上東風滿
院吹絮飛楊柳路花
落牡丹墀有客尋
芳草呼童進暖卮病
中還憶舊海內獨無
醫

六

久念黃華勝春深載酒登山多齊趙寺石虎高歡遺蹟最多碑有宋元

僧烟雨來千障悲歌陟萬層歸來傷足臥作記剪銀燈

金井桃花下園僧轉轆轤偶然為客病終不倩人扶風雨他

山有阿嵐此地無愛君何所贈秋酒兩三壺秋酒彰德酒名

柯蘆秋以詩投我次韻答之柯君江寧人

家亡何所顧白首任飄零持論高難下揮毫疾不停峩嶇尋

積雪華嶽訪明星更就盧師隱閒馴大小青

夙負山川債遲償歲月零或逢佳節到即以故人停歌舞銷

愁况漁樵動客星嗣宗雙眼在為爾豁然青柯子時為王太守西席太守出

其吳歌侑酒故云

太行千里勝隆慮迺其零菩薩洞難上仙人峯可停豹斑秋

隱霧虎眼夜如星奇奧無邊際迴看一帶青

贈張岫嵐時飲張國昌藥室

問酒知何處桐丘一月餘初停名士展漫借古人書花聚鶯
聲亂沙吹杏子疎香椿勞客送報爾覓雙魚

經年來去意不解到東風削爾三秋桂彈吾百尺桐高人棲
海上隱士僧牆東試看葭苓色沉沉入藥籠

花飛三月柳其下散寒陰但醉泊橋水不知何處深
鏡歌綠笛奏囂篆與雲沉爲語成連子高山未易吟

方芭漢夢登高山余適以是夕至遂志之

君方談異夢我豈是高山旣與煙雲約如何杖履閒
頽然家酒內了不解人間借此東風引他鄉共往還

夜飲芭漢齋中

晨雨正瀟瀟纔晴過董橋地洼蟠麥壠岡脊結松瓢酒借門
人灑燈將筆管挑大家同寂寞風景似僧寮
在芭漢處寄煙水兼示張巫峯伯仲

昨日平煙水來催穎上詩自慚無所得何以報相知
梅褪蓮

花早蘭開木筆遲三張新酒熟必不爽春期

甫園八首

梁吟梁別墅在桂郎

灼灼烟不斷疎樹罨僧寮結構惟三徑風光近六朝雲移松影對花放竹枝邀野色春浮動村人畫裏樵

立

當路三間屋園林曲有層花名多異本竹主問高僧塵日絲吹雨春塘草皺冰暮村看野燒猶似上元燈

三

梅膝分龍掌松皮結豹斑可知春色到須待酒人間持鉢薪傳火談兵米聚山自從流寓醉花鳥一齊刪

再世因人請三更對面公少月毋忘林白盟

但求花譜艷密植不能疎獻歲今伊始春風正有餘逢人譏半豹懷友託雙魚忽作登樓客松間好著書

巖裏五花笑自賦綠劍芒西坐空亭四顧秋

歲歲題芳草人歸到幾時得君相伯仲兼我奏堦篔簹枯樹子山賦停雲元亮詩居然江海意捨此復何之

山嵐亦盡元氣清
裘為星霜改陰晴
旦夕非竹間名士
酒花下美人衣芍
藥鬢
還瘦瑯玕笋自肥
綠陰芳可坐多事
叩僧扉

文章無寫處木筆滿林生
看此春風色聽他候鴈聲
江湖人再世燈火話三更
惟有公沙氏毋忘杵臼盟

欲借蒹葭隱伊人在杜郎
鴻稍千里字花接四時
香樓角圍松傘園腰帶
竹廊漠然賓主意彼此見行藏

戊戌穀日平烟水梁以道見訪臨臯作此贈之

余客臨穎姚哲甫爲主人
凡半載伏村與陸橋命駕
訪余相見甚懽坐中客填
集羅呼不復作苛禮即主
人亦復如龐公代朋友治
黍不問來去者爲誰也醉
後洗觶增燭卽席走書十章
以志一夕之盛因各書
紙卷貽之俾他日懷袖間
時時聞雞鳴風雨也

去家失年歲春到不知春
君適來相訪子當是主人
披衣迎

柳陌借酒酌花茵如此東風色天涯未可貧

二

竹以誰爲主雙雙得子敲到來今日暖忘却幾年秋神駿騰
千里妖蛇殺兩頭此間須作賦不必仲宣樓

三

桐丘讀書者其事得鄢陵更僕一雙客登山千萬層最相知
是酒不得已爲僧可惜浮沉意烟霞痼未能

四

少年殊不惡狂老乃頽然人到春王後尊開殺日前歲星守
東井候鴈別南天山水無妝飾方袍習野禪

五

玄圃多異寶波斯賤瓊黎但須三斗醉不覺萬山低博物蒐
鯁鼠追風惜障泥主賓龐老在何用唱烏棲

六

雪行笑東郭酒債貸河南楊乘三無惑嵇康七不堪未能逃
角里且復假瞿曇之子來何暮悲歌發玉函

楚人猴可沐，襄野馬猶童。
放早梅花素，燒勻蠟泪紅。
田橫三島在，范蠡五湖空。
不用閒枝葉，龍門别有桐。

八

茫茫安適去，榻下故人多。
異國難於料，春風可奈何。
猶聞待金馬，誰解顧銅駝。
看破新時令，花初且放歌。

九

主人江海意，結客選明珠。
文字聲光怪，雲虹點綴殊。
春天華

草木凍雪見，鬚眉不是秋。
風曲終童莫棄，繡

十

擔簦周海內，何事久臨臯。
知己曾相諾，虛名不足逃。
朱家驅廣柳，張祿感綿袍。
難得人終始，松雲臥素濤。

太原秋深看，岢圍山紅葉。
時偕吳江潘，次耕濟寧孟。
百

聚陽曲趙凝之

太原三十里，古刹隱松巔。
金石還存舊，香燈不逮前。
幽花迎日曬，乾葉與風旋。
曉起登峯望，蘆芽半影天。

百卉皆紅葉
巉巉鳥道荒
空臺懸月
愴踈樹
烟星芒
霧羃罕
山白雲
綃汾水
黃禪林
無虎豹
犬吠出茅房

村樹罌
影巖花
翡翠容
霜亭蟠
怪石風
壑響
幽鐘水
注龍

門峽山
騎雁塞
峯故人
讀書處
楸拙幾
株松

山內有傅青主書舍

雁門送李天生歸陝

名因篤富平人

自昔別居庸
經秋且近冬
天難逃氣
數人不測
蛇龍電劈
銀

河石霜流木塔鐘
此間無可語
爲爾賦相逢

木塔在應州

二

之子西歸好
余來贈一言
詩文留雁塞
風雪渡龍門
句注山

藏斗滹沱水
見根天涯
同伴少
回首欲消
魂

三

自經離亂後
凡事與心違
君載妻孥累
吾逃姓字非
漁樵從
客變松菊
想人歸
太白山
頭雪
寒光照
布衣

四

多難非無故浮名豈易居梁鴻妻舉案伏勝女傳書歸里君
能事完家我不如慟人還自慟立馬更欷歔

重過陰太峯清暉園

常時曾下榻此日又重過亂世無非閨春風有幾多烟雲隨
杖屨筆墨造山河四望無人色中條扣薜蘿

二

萬里山游客逢人不見人重來三月閨仍想四年春是鳥皆
環掌無花不綻唇篋篋遮曲徑寸厚踏層茵

題荆觀四山齋 在絳氏城東五里

記在河南身逢子却問予維時逃姓字不及結粉榆風雨懷

人久山川命駕遲冷冷花竹夜痛飲步兵厨前時王似鶴按察河南余與觀

四共飲暑中

奈山遊萬里具西

家在柳坡里村居不肯城嶺山荒嶺護凍水野橋橫草茁溪

聞雉花飛亂響鶯半間茅屋裏子在列門注

似鶴園卽事 與荆觀四荆元賁同飲

樓上美人在畫梁青漆彫花穠如帶酒竹翠可唵簫錦是流
黃濯珠還結綠搖沉附明月不何惜解金貂

游終南山

秦山橫萬里俱可號終南霧隱黃神峪雲高白帝龕地靈開
隴蜀天險束嶠函最有丹青樹晴秋鬱翠嵐

宿白匡寺

寺在少華山下僧名寂悅字靜怡

碎磯填鳥道環水帶螺紋嵐結千村雨松垂一寺雲圭巖峯
暗護河渭堪遙分歸雁時時唳無人共我聞

二

別峪泉無數懸厓屋幾間經年爲客役此夕覺僧閒潭冷魚
穿石風腥虎過山飯餘猶未暮蚤已閉松關

三

紫竹霜培笋青桐露洗柯樓前冬日少山背暑水多活水滋
梨棗高峯蔭薜蘿不緣幽興發肯向此中過

贈張嘉生騫永思

嘉生名五美永思名克季俱峽州人

因君來問字激我遂談經微雨春初灑孤雲夜半停蓮開邀

栗里鶴放感支禰荆杞蒙茸處携浮五采漿

二子在寺中讀書故云

題岫雲羽士閣

在太華山頂西峯下

板屋隱松巔高栖遂有年逢人無姓字畱客是山川厓迥千

尋雪峯開十丈蓮乍登竒絕處搔首問青天

二

樹根蟠作磴冰窖汲成花筵人疑世外隔路卽天涯風雨山

腰繫星辰屋角擎古踪難悉紀跌坐賞金霞

題蓮花峯

太華西峯

羣山非不秀太舉獨聲光石削芙蓉秀厓飛瀑布香陰厓蟠

蜃蠃恠木挂羚羊坐飯松花餅春嵐畫夕陽

蒼龍嶺

卽韓退之投書處

水經注謂之撈嶺

嶺形如劍脊飛舞跌懸厓凍雪千尋上荒風四面來岡頑金

鐵朽窟閉鬼神開獨立密崑嶺陰陰響衆雷

二

三峯連一縷結峽萬山腰跼行猶股戰旁視卽魂搖龜鶴羣

峯侍烟雲下界潮退之殊不勇遺跡使人囂

箭括

今名千尺幢華山極險

險光開一綫窄縫夾青天躡磴先妨膝扳厓側用肩木梯幢
外補鐵縮井中懸怪石橫如竇陰風直上穿

難上仍難下層撞級不齊注睛窺缺坎垂脚覓旁梯鎖重霜

欺掌磬迴石礙臍凌空音響亂蚤已碎管鞮

羣陰書王山史齋中

海內徵文獻西京兩次來麥田經雨潤山色喜雲開自可劉

琨嘯何勞庾信哀登高齊拍掌秦嶺亦東迴

山史有嘯月樓

武功贈張訥夫

已亥六月游太白道過武功同年張訥夫為令因訪之兩人皆不意也蓋別來

三十有二年矣結夏入秋畱詩而去

客路有難易先從西北游風沙邊地毒冰雪暑天虎繫缶羣
山響歛幽大火流相逢陞出塞不復說防秋

王維

雉堞半天橫隨山奏一城塔梢聞犬吠峯峯見牛耕活水環
來遠高原上去平朱絃調臥榻此外寂無聲

雅人多雅事，選此舊家踪。毛穎城于管，珪烟價倍金。嫩茶焙
歛浦子鱗，炙江陰無一。秦中產官廉，見素心。
唵夫以筆墨茶
鱗見餽故云

山
耿子立園中次李聖年扇頭韻

太白當金時，靈湫六月寒。青雲能獨步，白眼且旁觀。石鼓鐫

文易銅鐘，答響難有。縈風俗古，依舊竹皮冠。

縈卽部字，后稷
封有縈，今武功

縣

二

伏金金七壯，六月早來秋。响洒宜山水，無家任去留。漁樵尋
客伴，花竹賞僧樓。子不通名姓，蕭然一子猷。

三

冷然來竹下，不識主人誰。峭壁藤蘿幔，空階木槿綏。城連山
鑿齒，斤斷水分眉。散坐松風外，閒吟玉篋詩。

四

初晴山色潤，美竹被斜岡。蠡趨梧驚葉，蚪書柿滿床。風胡揮
劍疾，飛衛引弓強。吐納終南秀，環城添水香。
是日觀演武廳
騎射

五
陡厓盤級上虛室造層多苔蘚垂陰洞簷笏引半坡遙峯紋
似豆曲水影如螺差有考槃意開牕時寤歌

六

階窮穿竹過路拗踏花行久雨蟠蝸跡荒墻隱蟀聲亭邊空
石繩檻外小山崢俯瞰樓臺麗方知近市城

七

使君虔步禱太白借靈湫神以和平饗天爲撫字酬稌稊經

四序穗菱俶三秋鄉社邀田畷吹幽叶酒籌

二

好雨隨星駕同雲四野涵商羊朝后稷冠雀跽終南吏治誰
能此天工爾獨貪居人留客賞缶鼓微街談

三

春秋謹農事無麥則書之沆漑非天澤循良是兩師樂諧甘
露頌雅奏甫田詩餘照勻僧舍黃花醉幾枝

過永壽贈李懷仲五首 有序

按永壽縣在乾州西北古麻亭鎮也亂後虛無人棄其東偏而堞之西陞之嶺一線如行魚脊縣治蹲其腰居民依東穴僅數十家綿之詩所謂陶復陶穴者也土瘠氣寒民貧役重黃岡李懷仲尹之三年頌聲作焉予喜而贈之俾後之過此邑者讀予詩如讀永壽風俗考流民圖也

咸陽西北去地勢以層高客舍嘗無米山田或不毛咂嘛投水酌蝴蝶入漿淘豈但游人苦居停亦已勞

咂嘛酒名蝴蝶麪名

二
經過諸郡縣未有此荒城仄路三盤上單街兩面傾避風依左丁馱水下西坪中伏寒如臘颼颼感發聲

三
山水多奇恠秦中得武陵酒人纔作吏宦况畧如僧勸課文無害循良事有徵琴堂終日閉六月一簾水

永壽有武陵山寺予寄焉

四
戶口罹兵燹空居數十家土溪難甃井縣小易爲花漆水原

非漆麻亭詎有麻經年無獄訟寂寂鎖官衙

五

數日僧寮臥空山乏水薪不因行役到誰見宰官貧廉吏歌
聞楚無衣客在秦夜來明月下擊缶好吹幽

村居

梁呢雛燕子枝囀小鶯兒春曉花連陌秋空月滿池山中常
缺酒海內絕無詩行樂圖難畫頽然自放時

三

周道悲風刺荒橋大雪霏獨吟驢背土遙見雁行稀拙守還
金苧窮交擇布衣將登耆耄歲豈可不知非

三

屋垣陰雨破泥草未修除博物讐鼯鼠窮經校魯魚村環君
子樹地受老人書止足誰知者僧繇寫一疎

四

泊然松石意遂使衆綠孤水墨三時畫丹青九老圖野禽驚
雀芋天馬食龍芻識字遺忠字玄哉莽大夫

五
患難思游俠
詆諧聽滑稽
階前芳樹茂
雲外小山低
子女諧琴瑟
詩文壽棗梨
臆禽能喚夢
明發輒先啼

六
昨夜東風煖
庭花略綻鱗
箋經償歲月
刻燭驗精神
地僻真成隱
心廉不苦貧
伐茅炊脫粟
中或有勞薪

金平七
田家新酒漉
父老集西園
偶用花催鼓
閒將草護門
池寒魚入罾
野淨兔依村
凍笋毋輕掘
來年看竹孫

八
邠管魯浮海
巢繇不買山
勞心天地苦
寡慾性情閒
南伐標銅柱
西征想玉關
豈如高尚者
詩酒坐花間

九
登高時野望
風景澹蕭蕭
去歲田傷雨
今春土不苗
水痕餘柳徑
人影斷泥橋
室室無生計
荒村日采樵

兩歌鳴禽亂笙簧集樹梢處貧惟淡食隨意不兼肴夕照隨
村巷春雲傍水巢此中堪獨寤莫復問誰嘲

十一

豈是薄功名非常患難生知幾深恨晚擇禍莫如輕雅俗同
聯社悲歡各近情勉爲糊口計不得不躬耕

十二

下帷先卜地土室近松丘山水原無約行藏各有求門將從
客杜刺不向人投坐靜聞微雨花朝冷似秋

十三

小牕春雨細書畫色陰陰平子投青案淵明撫素琴散人多
肆志男子耻違心每愛陶弘景松風獨往尋

十四

近來無作者今古兩難兼既欲傳金石安能問米鹽雲收山
在戶月起竹當簾莫妄談休咎吾生可自占

十五

燕子春來晚尋巢獲舊杉隔年愁破損重見喜呢喃更患雨

風妬還將葉土街主人觀物理那可不憂譁
題萬年少隰西草堂

方外嗟行役樓遲構竹菴河淮躔戶牖江海畫東南嘉樹經
秋翠晴峯浴夕藍鉢池仙跡邇笙月好同參

二四

素壁承兼瓦朱欄紐石藤水竿三徑客詩酒六朝僧澤潤難
窺坼山遙不辨層旅堂春綠曉餅食看魚罾

除夕自河南歸

匹馬渡黃河水澌湧白波行人殘歲少征鳥枯林多挿竹飄
錢紙烘薪餉餽饌且堂餘病僕喚起淚滂沱

殮室人張氏樊氏於南莊

適我爲宗婦親喪禮再終耘田偕冀缺舉案侍梁鴻歲課倉
箱豫賓筵俎豆豐爾時都不問回首憶無窮

薄命遭離亂焦勞二十年未克婚嫁事先畢死生緣三女哀
無母雙兒失所天倉皇棺不及臺席瘞樓前

沈埋三載半一刻不能忘席褶渾成繡衣紋別有光日臨水
骨煖風靜土花香差足強人意衰暮始報喪

四

香銷紅葉句絃斷白頭唸玉鏡臺空下銀河駕兩沈惟當懷
故劍豈敢御新琴寄語真泉氏雙雙鑒此心

公姑再哭樊氏

疇昔好風光廻思一夢涼瓊枝凋凍各玉樹萎嚴霜魂散招

何處歌終泣數行清秋傳樂府十五嫁王昌

二

君婦持家政于歸爾在前蕙蘭題姓字荆布擇姻緣正色常
忠諫平心每善全嗟乎真畏友一夕徑飄然

至徐州過萬年少故宅

當世誰堪語斯人復永違生前家已棄沒後觀何歸荒草埋
虛閣秋風鼓敗扉多情惟燕子還向舊巢飛

秋水堂前路塵封。晝不開。撫絃絕真賞。聞笛有餘哀。花落樊桐館。雲收戲馬臺。黃泉無驛使。誰說故人來。

廬郡夏秋詩爲龔孝升作。孤鶴鍛其羽。翛然滄海東。往來雲氣上。嘹唳月明中。有血生。燐火。無水語夏蟲。賞音人故在。煨燼出焦桐。

蘭畹無菴草。芳華以顛從。謬稱徐孺子。來弔郭林宗。對攻山川志。閒叅捧喝鋒。嘉賓多未面。虛左待龍鍾。孝升。葬夫人王氏。故弔之。

三

地名賢者擅。君得號廬江。身任朝廷事。功垂父母邦。世間人有數。天下士無雙。倘賦歸來早。居然勝北牕。

四

幣交凶吉半。歌哭總于斯。命酒客同醉。傷心人不知。謝安頻召妓。杜預枉沉碑。何似垂楊苑。燒燈唱竹枝。

五

市邸風涼少。城頭綠樹翻。稻田遮酒墅。葑堰隱漁磯。喧鳥乘

陰囁流螢傍夜輝。閉看都不見。飽食掩松扉。

六

一葛一裘足。三冬三夏餘。相隨惟道伴。所至得僧廬。患難多
更事。窮愁少著書。行踪休豫算。歌嘯總如如。

七

高殿稀鄰舍。烟光遠近殊。千峯來霍嶽。百里見巢湖。篋轉書
眉鳥。藥生何首烏。納涼無愈此。浴罷展龍鬚。余假寓揚州軍
廟在西城最高

處

此鬚簾名

無

地僻人烟冷。城深夜色低。佛燈出天上。漁火隔橋西。月湛芙

蓉渚。風香錦繡溪。更深絲竹靜。細語唱幽隄。錦繡溪在郡治
北

九

我迺先歸里。君猶未乞骸。鬼神寬夙孽。詩酒放吾儕。菘苑三
都賦。宗門一隻鞋。伯倫遊戲去。荷鍾幾曾埋。

十

雞黍半年約。兩風千里來。每談兒女累。輒動友朋哀。古郡題

金斗新章咏玉臺。相逢偏有興。鬪捷兩無猜。廬州號金斗郡。

十一

野外秋鳴蟋。山中野打蚊。世無真處士。城有故將軍。君抗陳情表。吾修告墓文。倘能如所願。省得賦離羣。將軍廟乃宋楊沂中也有功于

廬故祀之

十二

須作救時相。堪題通德門。朝中推故老。海內感平反。察吏文無害。明刑殺不寬。西風衰草路。多少再生魂。孝升時為刑尚書故云

十三

自解山東網。漁樵路始寬。百年知己淚。一粒返魂丹。作客還驚座。逢場更弄丸。待君襄大事。重製遠遊冠。

十四

時序成功退。星辰謝政閒。采霞攢錦市。香雨洗塵山。僊子須乘鳳。幽人自放鵬。淮南雞犬在。猶望八公還。

十五

晨起踟躕坐。當門曙色鮮。海東三島氣。江左六朝烟。映水皆

環繞週城悉種蓮。好風宜結夏。常在月明巔。六博

十六

月初當未伏。新雨澹瀟瀟。水外鳥鳴樹。田間僧過橋。稻香連
野動。花氣隔城飄。洗出青山色。烟紋似翠綃。

十七

豆村啼絡緯。松院纈蠨蛸。曉色山根見。秋聲木葉敲。棗梨文
士債。菱芡美人肴。自坐炎涼外。毋將熱客嘲。

十八

自歌還自嘯。持酒復持螯。大火移南呂。羣芳歇伯勞。初驚黃
葉下。漸覺白雲高。夜靜蘆笙起。家家唱董逃。

十九

未可稱龍樹。僧宜嗣鳥窠。偶因居士到。遂有宰官過。古曲傳
三婦。商音變八哥。不勞燈火送。一路月明多。

二十

茅結樹陰小。城隨山勢斜。四邊秋水路。一帶野人家。東浦聞
箏笛。南樓送菓瓜。斗牛分野次。舉步卽靈槎。

僧貧無榻下竹篾布繩牀秋到木齊響曉晴山驟光郭生行
處掃荀子坐來香烟影高低錯丹樓繪渺茫

二十二

十春勞玉帛三伏假居停坐校石甘志行搜山海經張華能
潰鮓樓護善調鯖置我笙歌裏沉酣不放醒

石氏甘氏漢人
精星緯

花間防菊虎池上伏魚鷹泥少羞填海山高誤倚冰市多荒

隱客朝有瞰名僧未若松風外狂吟對一燈

二十四

大暑金須伏新涼火欲流天孫花燭夜月老珮環秋勝女三
千隊妝奩十二樓服箱難得代薄命此牽牛

七夕作

二十五

黨錮千秋案甘陵直到今尚書猶北斗廬郡卽東林清瑟花
前奏寒蟲草際吟高山與流水鳴咽感知音

二十六

月明臨鵲渚雷響出龍潭萍礙水中權荷薰城上菴先生栽
五柳高士挈雙柑似此閒風景居人未解探

龍潭在郡城西
大蜀山下

二十七

科跣年來慣人嫌不自嫌孟僧收盞飯析倅送譙籤看竹常
携酒烹葵淡着鹽高牕秋月滿欺殺夜明簾

夜明簾張說送
太平公主者

二十八

僻好唯山水秋來補破帆詩題騷客命酒政美人監且築袁
闕室毋投庾亮函寄言同志友君子慎憂讒

別龔孝積

伯氏吾良友登堂夙所期緣茲交仲季相與奏堦篴樂府追

明遠

鮑明遠讀書臺
在廬州城北

仙人詠左慈滿城畱墨跡一一見鬚眉

二

但結粉榆好何妨縞紵貧三秋忘逆旅一日共生辰

孝積與
余俱九

月十二
日生

世事紅塵幻交情白髮新他年修郡志流寓補山人

三

才爲三楚冠數較兩龔多香浦名箏笛佳人字苧羅花評須

有案酒政不嫌苛秋色高如此驪駒客奈何

箏笛浦在郡城內

四

夏秋殊節氣刀尺費裁縫愛客過文舉知音比仲容

李積善顧曲故

云林乾紅葉舞山瘦白雲封別後相思遠回看大蜀峯

秋分日秦虞桓召飲限韻

一蹇策廬州空林夏復秋漁樵嚴氣顛山水慎交游旋裹人

來脚常髻客去頭感君能好我深醉賞齊謳

二

中秋過十日雁始到江濱榜線垂青綬桐瓢結綠雲廊迴焦

舞扇池洗墨生雲涼夜留賓久紅燈逐巷分

大送單縣張鼎臣之金陵

佩有桑弧在牢騷賦遠遊琴臺傳綠綺笛步響青樓別渚蓮

方采前山雨未收手提長鋏去不借蒯管綬

琴臺在單父笛步在秦淮

佳麗觀吳苑躡蹠飲沛宮芙蓉晨閣雨薜荔夜熈風白苧微

歌艷青帘笑客窮行行懷舊榻回首夕陽中

烟澗村居雜咏十九首刻書歸回首文選中

靜悟三生理來空去亦空
粉榆荒舊社雞犬樂新豐
世事皆身外人情在眼中
嗟予游子意歲暮感無窮

少年殊寡昧爭勝喜哢哢
視山能徙夸去鼎易扛
蠡堪量

平音大海鞭河斷長江豈意成
衰朽思之愧滿腔

凌風吹石髮剪水借銅匙
處世荷嘗快閒居有所思

何嘗快有所思

古樂府語地形詢郭璞天象考殷墟
更覓柴桑叟同吟乞食詩

四

孤身游萬里未肯泣窮途
雲月山中有英雄海內無
候門餘稚子其話得農夫
天幸還丘里何煩擊唾壺

五

昔者尚平隱曾聞禽慶偕
山川生韻事金石感吾儕
有論須原毀無題但詠懷
故鄉傳酒頌荷鍾許同埋

六

長辭三徑去老矣復歸來海上逢萌歎關中庾信哀臨書青
鐵硯注酒碧瓊杯木雁知誰勝吾寧處不材

七

涼燠非其候肌膚慘不親當儲立石酒莫苦白頭人雅樂乖
鍾呂溪山餓鳳麟勿矜花爛熳一夕落紅茵

八

雜品刪麟閣孤蹤弔鹿門校書青玉案命座紫花墩好雨愔
檉桺光風轉蕙蓀敢云工著作成就一家言

九

徵君常白帽處士偶黃冠虛羨吳江冷親經蜀道難劔車裝
陸賈鹽鐵考桓寬或勸挑燈苦長宵畧補餐

十

癖好惟稽古幽棲獨掩關遺民傳實錄副本貯名山甘苦皆
成味推敲肯放閒從前多漫筆割愛一齊刪

十一

密雲農父望不雨自西郊蛛網垂簷際禽聲亂樹梢疎風吹

錦竹湛露滴焦茅酌酒花棚下三絃配紫箋

十二

疎狂生患難挫折減牢騷飯煮延精麥羹煎益壽桃圖書諮
仲虺烟月弄琴高更喜逢秋社黃花就蟹螯

十三

歷攷興王地人才沛獨多屠沽登將相刀筆券山河每聽里
兒唱如聞游子歌少年湖海氣大半已銷磨

高帝選沛兒百
二十人擊筑歌

十四

空林聽語鳥野水噪鳴蛙土涸新霑雨山晴晚映霞仙松移
五鬣佛貝賞三花偶爾吟哦倦珠蘭一瓊茶

五鬣或作五粒
非

十五

意氣能階禍江湖最忌名美人愁國色君子慎鄉評好爵崇
三事明珠積百城蓋棺携不去何用苦經營

十六

每愛西園好編籬構小亭雲深花逕紫露湛草紋青鐵馬啼
修竹金魚啄細萍此中堪坐臥靜對十三經

十七

夢與人相關朝來入市尋
多求空擾事勇退省勞心
博學完
三篋良醫授五禽夜寒明月皎
歌女發清吟

十八

率意常多誤捫心每自慙
三生皆幻夢萬卷悉空談
禪榻紅
鞋枕丹經紫玉函忘憂須醉草
遠在赤州南

紅鞋枕紫玉函
三寶之二

十九

史列遺民傳鄉題處士衙
蓬蒿藏仲蔚伏臘守陳咸
野外門
嘗杜牕前草不芟顧名先擇里
誰可婦人巖

閏五月與張抱珍苗質馨同至蔡敘伯莊上看花
郭西三里近隱隱見村樓
閏節重添夏涼雲早似秋
仙人乘赤鯉騷客駕青虬
莫問誰賓主逢花處處留

二

早起趨天涼疎星綴草堂
雲移書帶潤風裊繡毬香
嶺表五銅柱廬峯三石梁
興來清嘯遠不復感滄桑

三

既醉晨時酒還看午月花牛耕荒莠隴蟬噪野人家
蓆葡萄蕤新蕊篋筍苗晚芽看看秋色近臨水種蒹葭

早賦四

百歲今將到餘生久自拚惟當隨地醉豈肯待花殘
沼上金荷綠墻陰石竹丹茅齋風細細覺道衆香攢

五

無意尋花太花來召我尋樓臺青樹菴松菊紫烟深
醉看圖書臥豪歌斗漢沉餘歡猶未罄醒後與重吟

山莊

幽居賓客謝門設廼常關秋雁雲中陣春鶯畫裏山
竹移新雨後花落亂流間不解時人好柯枰共我閒

秋村

木葉微風掃空堦衆響虛慎談當世務多讀古人書
茉莉樓朱蝶芙蓉蘸翠魚較之城市隱大小復何如

和陳蓮生來韻

不辱無如隱棲遲愛子真文章能謝客魚鳥若親人
虛谷生

楚響高山絕衆隣與時嘉遁好勉爾勿沾巾

二

我觀高士傳顏觸號歸真戶牖堪容膝蓬蒿可没人刪詩懷
北地移竹東南隣步履蕭然外時時漉葛巾

微山東友人

未能逃死忒且復學逃生多累嫌妻子深藏苦姓名渚闊蒲
帆隱霜高木葉輕燕山雲萬里不接石頭城

二

三

舉足罹羅網依依此墓田倘如首丘志何用買山錢文雉潛
豐草寒鷄睡晚烟寄君桑與梓今後託餘年

時爲魚臺賊胡
姓者破家故云

哭倪鴻寶先生

憶昔山亭醉推子武庫名如斯嘉後學所以慟先生絕筆無
家事招魂只履聲讀書真不媿國史借光榮

安東道上

秋雨黃河岸鹽沙漲菽渠來方米雪始歸已芟芟疎周道殊

艱步勞人敢定居
室家何處問身外
早無餘

宿壩頭

荒橋鞭馬倦陰雨
苦淒淒間道無他侶
孤踪宵亂棲柳塍環
寺礎沙鳥啄泉泥厚
費居停叟臨行謝黍雞

杜門

匪以逃人去行藏
兩未成折腰慚故步
洗耳近虛聲風雨常
如晦牢騷不易平
數窮先擇禍惟有杜門輕

答徐古圖吳門見寄

枯水村塘外江楓遠
道貽暮年知益壯窮
轍肯徒悲雲藹方
停處雞鳴不已時
故人當此際難說勿予思

徐縣令見過

踈懶甘違俗三年絕
市城使君初不棄
父老若爲驚率爾高
軒過蕭然野服迎
龍光村舍繞積與莫烟平

其命歸來晚村居跡
自韜深知多罪譴暫
且匿蓬蒿不殺亦
云幸先施毋乃勞中
心藏未已三疊咏干旄

寄懷李太青會元
長安春莫別不覺忽經秋讀史偏無暇懷人但有愁青天橫
雁字白露冷兼洲每一登高望雲深未可求

家信

前日人纔去歸家又早來爲言鄉下樂倍使客中哀兄弟所
新酒亭池蔭舊槐望余余不到每上大風臺

答單臣素

手札來相慰苦余復苦君相憐同病友不作送窮文風雨緣

猶在山川夢未分且歸商道路五嶽起秋雲

答陳百史

使者持書到開緘如見人幾時無限意數語絕傷神飲食懷
良友平安候老親目前窮與達游戲總非真

自爾平陵去相思與日新愁將今古事責在兩三人短髮愁
寒暑微心動鬼神別離常不見偏覺夢中親

項仲展病中適夏村未得一晤作詩送之

上書仍見放歸作杜門詩忽值伊人棹來過泗水湄朝廷方
有事疾病欲何爲相隔成千里生平失所期

與君相別處時地總關心一葉來鴛渚三春醉虎林山中僧
子偈花下女郎琴凡此都如夢勞勞直到今

嘉興有鴛鴦湖

聞若蘭有好事

初冬相別後忽忽已初春未踐山中約應慙夢裏人音書他
事悞風雨隔年新一瓊瓊衆盡雲英不可親

寄懷姚六康四首

諱于莊廣東惠州歸善人時爲池州
石埭令

抱朴遺丹竈羅浮繫碇岡琴揮呈鳳嶺錦製舞鸞鄉家食藤
羹素賓筵桂酒芳幾迴思命駕漉翰墨池旁

鏡潭秋月皎草嶺夏冰寒露洗楓林葉雲蒸荻港澗池邊常
跨鶴嶺上好栖鸞竇老臺空敞携壺往問丹

三

自到陵陽後

石埭本漢陵陽地
吳置石埭場改縣

金城峻幾重江濤迴雁奴山

五言律

翠庵獅峯湖汎仙人影岩垂隱士蹤櫟杉題跋徧不讓九芙蓉

四士杖屨

把臂金臺畔追思已十春荆高歌壯士燕趙譴佳人心事青山舊交情白首新莫愁風鶴警千里達雙鱗

西苑

禁苑人稀到青衫太學生風雷森玉殿虎豹檻金城瑞鳥三峯峙花房百鳥鳴龍亭間笑語中貴賄碁聲

二

平臺松舞鶴圓殿栢蟠虬鸚鵡傳冊詔芙蓉隱御舟雲霏凝翠閣花映洗妝樓泉水漂宮粉風香滿玉溝

天壇集飲偕楊維斗

廷樞

沈伯叙

明掄

袁公白

徵

李存

待問

秦宏甫

鏞

張天如

溥

萬年少

壽祺

酒主人則

徐九一

采

戊辰夏初事

江南名下士選勝集郊壇苑肅春雲靜林深暑月寒采思籠玉峙星斗繪珠欄道藏歌新製仙童對譜彈

京市交游倦樽移道院閒花茵穠似繡香霧裊如鬟弱柳垂

清泚疎松漏遠山欣聞明詔下黨錮起田間

時高陽李國樞主政以同鄉樞

輔孫公言特舉姚文毅公文肅公得俞旨戊辰三月事

皇極門早朝

庚午九月朔日

射策龍飛朔觀光鳳噉班書生原自陋儀注幾曾嫺聖主親

傳詔名臣早賜環趨蹌多錯誤微笑覩天顏

二

瑞寺塵初掃經筵霧始晴山河如洗沐日月覺清明舞蹈銀

臺唱賢姦鐵案成

詔定逆案

吾儕私自慶天子擢門生

中華潞河龐家嘴僧舍偶作

王僧崑字

一嘯別長安停舟潞水干火雲烝襍穢沙雨垢蒲團鼈蟹綠

洲曝葭蘆被渚寒獨行尋野寺老衲正晨煊空山斷續

犬吠桑門靜牛鳴柳苑孤千場黃麥刈兩岸白鹽鋪野荻連

滄海飛沙散直沽畫船皆逆上南去一人無

五簋邀宋蓼天王涓來王敷五薛大武何昭候李嶠雪
紀伯紫李條侯集飲慈仁寺松下

為客燕山久臨行作主人交游聯意氣聚別感星辰炬列金

蓮靜

指宋王
諸學士

垣開玉瑣新

指薛
給諫

古松交月影空色滿慈仁

居庸關

中華凡九塞其一曰居庸邃谷迴環拗頑磯滑跌重紫沙霜

涿鹿丹嶂接盧龍突爾來流寇無人舉寸鋒

宣府偕戴務旃李武曾戴無忝山游即事

時主人為吳
盛藻彩臣

山水西南盡歸來更北游長城今日見上谷主人畱路考三

邊誌時逢八月秋談言微中處不覺異鄉愁

東道二

壯志能投筆長游不用繻翻山尋次仲戎地訪由余欲發小

山桂先燒明月珠相期何所至携手入枌榆

魏郡冬吟

日候居南陸墻陰影不畱窖中題雁字燈下補鸚裘天氣華

于夜人心怒在秋誰堪同起臥獨自理衾裯

羈旅秋冬際遲回近一陽夜華開漢斗天色美文章殺運何其久衰年不再芳遙憐雲駐處墓草必經霜

三

雨後煙光縈新天夜更青柝人虛曉箭屋瓦漏寒星陽復溫泉動霜高晚卉刑惟餘松栢在不肯遂凋零

巳酉元日祝內嫂王安人八十時在邯鄲署中

莫茨書元日椒花頌耄年東皇辰告朔西母夜開筵玉帛環

階下兒孫拜膝前滿天星斗麗火樹雜笙絃

二

粉繪齊眉案金題剪髮圖熊丸燈下劑蠶箔月中纏薄產分諸第香奩送小姑邯鄲來就養彤管贈羅敷

秦羅敷邯鄲人

邯鄲元夜

一醉邯鄲道春來尙未醒飛花燒霽雪起火射寒星玉刻三台燭金泥百歲屏步兵餘老眼偏爲故人青

游方山

卽靈巖寺水經謂之玉符山在泰山後八十里

玉符多異卉十里綠雲猶曲逕微茫轉懸厓咫尺遙獅眼關
士鉢鶴飲定僧瓢澄朗門風在無人紀六朝
佛圖澄卓錫於此

背映晨光裏晴霄歷歷翠林開司馬世情享季龍供金石雕

成顛烟雲繪有踪振奇須暗賞未易可形容
季龍後趙石虎字師事澄公

三

披閱高僧傳圖澄事跡最著清淨無染教答癡人說法山

川動雷機虎豹馴可憐
佛摩羅什為魏與釋經破戒而

此

四

誰傳天竺像工鑄古伽梨假此來香火居然勝木泥虛岩穿

作牖絕壁上無梯且飽桑門饌登高處處題
山南嶺有圓寶如隱亦奇

五

久客忘時序來游適暮春氣寒花似豈峯惟影如人鐵縮袈

裘縷葍綃鼻鼻鱗宋元碑篆破顛倒瘞荒榛
寺有鐵羅漢一尊傳是北魏人

造而像不精疑偽

六

互考靈巖志中華亦可憐僧來南渡後剎起少林先拓跋方
稱帝蕭梁却佞禪至今苔蘚內猶刻正光年
姚莊偕趙配五憬五信五共飲西園

地僻人稀到荒墻徑亂開一園春色靜四面好音來籬種鶴
翎菊枝蟠龍爪槐主賓花裏坐誰笑不相猜

莫春容易倦強起步林端琴奏風前韻花催雨後寒烟晴芳

早睡日午衆香攢移席松陰下徐將蓓蕾看

憬五善琴故云

三

正當花爛熳晨起坐松間山鳥皆相應柴門不用關酒寒旁
作竈蕊落亂成斑莫謂茅亭小西牕納泰山

過鉅野題畢開之畢位二村舍

開之名爾錫位二名爾公

故人家鉅野琴史帶蠶耕千頃綠塵色一林黃鳥聲所談皆
往夢相醉是餘生彼此嗟麟也無爲嘆不平

鉅野是西狩獲麟處

瓦破野亭幽嚶鳴若有求百千年字畫三五樹松楸草蔓不
耕地烟熏無板樓敲碁尋野叟賭勝可消愁

其人高唐至禹城皆昔年計借館也感而志之

負郭皆豐草泥塗不可行桑麻依敗宅官吏擾空城若有甲
兵氣村無雞犬聲昔年計借處逆旅最關情

齊河道中望泰山

少年卽登岱未解問幽奇此日遙相望還爲物所羈山川真
失意詩酒不逢時天半峯如畫行行亦漸移

新春爲單臣素作

君豈無家者他鄉爲故人青山初不改白首定如新眠食風
霜老經營歲月頻感茲貧賤義益復笑平津

平津指溧陽臣素溧陽舊交故

素各清明答單臣

素

淑旅兼寄故鄉友人

跌坐如禪寂安知節候更偶因贈楊柳纔悟是清明宿草青
連海春山綠繞城遙憐桐竹發多少故園情

慰同難魏君重黃若會二子

明月滿東臯山城唱董逃詩書非有罪時命適相遭失路悲
焉祈同人喜貫高故吾今尙在日日對醇醪

秦客寶秦鏡楚人珍楚弓上天應悔禍君子勿貪功雷首行
歌倦蘓門對嘯空莫傷時與數吾且固吾窮

送邢來之

諱儀鳳清平縣人

何處無詩酒相親患難中文章談永夜江海別春風古道難
爲繼奇人未易同他年呼姓氏記取漯河東

閏六月詩

乙酉林鍾閏于今已八年泥生蚯蚓跡霧滑菱荷烟邈酒齊
東瓮烹茶歷下泉南山雲有意停在棘墻邊

東發... 不... 吳... 漢... 許... 意... 本... 料... 漢... 景...

丁酉林... 暨... 閏... 于... 今... 月... 八... 平... 第... 出... 神... 功... 極... 善... 治... 疾... 濟... 以... 靈... 醫... 音...

西... 人... 以... 許...



